



病

流十四

又選旁訓大全

五

16
2527
10



和 16
號 2527
卷 10-10



評苑文選傍訓大全卷之十五

欽差提督學刑等關易州兵備副使信安四泉余國賓總閱

保定府知府新城縣學正王象乾剛訂

連珠類演連珠五十首

傳玄敘連珠曰所謂連珠者與於漢章之世班固賈逵傳

說三子受詔作之其文體辭麗而言約不指說事情必假喻以達其旨而覽者微悟合於古詩諷興之義欲使歷歷如貫珠易看而可悅故謂之連珠機引舊義以廣之故曰演演

入基命不引而伸之也 陸機

臣聞日薄星迴穹天所以紀物山盈川冲后土所以播

氣五行錯而致用四時違而成歲是以百官恪居以赴
言百官勤居其職也

八音之離明君執契以要克諧之會○臣聞任重於



大正九年三月五日
信安四泉

才盡則困用廣其器應博則凶是以物勝權而衡殆形
過鏡則照窮故明主程才以效業貞臣底力而辭豐○
臣聞擊俊之才世所希乏丘園之秀因時則揚是以大
人基命不擢才於后土明主聿興不降佐於吳蒼○臣
聞世之所遺未為非寶主之所珍不必適治是以俊又
之藪希蒙翹車之招金碧之巖必辱鳳舉之使○臣聞
祿放於寵非隆家之舉官私於親非興邦之選是以三
卿世及東國多衰弊之政五侯並軌西京有陵夷之運
○臣聞靈輝朝觀稱物納照時風夕灑程形賦音是以
至道之行萬類取足於世大化既洽百姓無匱於心○

臣聞頓網探淵不能招龍振網羅雲不必招鳳是以巢
箕之叟不昞丘園之幣洗渭之民不發傅巖之夢○臣
聞鑿之積也無厚而照有重淵之深目之察也有畔而
眦周天壤之際何則應事以精不以形造物以神不以
器是以萬邦凱樂非悅鐘鼓之娛天下歸仁非感玉帛
之惠○臣聞積實雖微必動於物崇虛雖廣不能移心
是以都人冶容不悅西施之影乘馬班如不輟太山之
陰○臣聞應物有方居難則易藏器在身所乏者時是
以充堂之芳非幽蘭所難繞梁之音實繁絃所思○臣
聞智周通塞不為時窮才經夷險不為世屈是以陵風

昔衛水夫史
魚病猶死謂其
子曰我不能違
道伯玉之取
彌子瑕之諷死
當猶我於側室
足矣是雖於於
側室以進賢也
今言柳莊則無
是陸生之說也
左傳曰晉侯
賞犢子狄陸
室亦賞犢伯以

瓜行之絲曰... 微子吾後伯氏... 會為秦人知者... 里奚之賢... 刑焉公後知... 賢不私... 乃對使者... 卿之禮... 以再命命先... 之歸... 塞都缺于之切也

之羽不求反風。耀夜之目不思倒日。○臣聞忠臣率志
不謀其報。貞士發憤期在明賢。是以柳莊黜殯。非食
衍之賞。禽息碎首。豈要先茅之田。○臣聞利眼臨雲。不
能垂照。朗璞蒙垢。不能吐輝。是以明哲之君。時有蔽壅
之累。俊乂之臣。屢抱後時之悲。○臣聞郁烈之芳。出於
委灰。繁會之音。生於絕絃。是以貞女要名於沒世。烈士
赴節於當年。○臣聞良宰謀朝。不必借威。貞臣衛主。修
身則足。是以二晉之彊。屈於齊堂之俎。千乘之勢。弱於
陽門之哭。○臣聞赴曲之音。洪細入韻。蹈節之容。俯仰
依詠。是以言苟適事。精麤可施。士苟適道。修短可命。○

瓜行之絲曰... 微子吾後伯氏... 會為秦人知者... 里奚之賢... 刑焉公後知... 賢不私... 乃對使者... 卿之禮... 以再命命先... 之歸... 塞都缺于之切也

臣聞因雲灑潤。則芬澤易流。乘風載響。則音徽自遠。是
以德教俟物。而濟榮名。綠待而顯。○臣聞覽影偶質。不
能解獨。指跡慕遠。無救於遲。是以循虛器者。非應物之
具。翫空言者。非致治之機。○臣聞鑽燧吐火。以續陽谷
之暉。揮翮生風。而繼飛廉之功。是以物有微而毗著。事
有瑣而助洪。○臣聞春風朝煦。蕭艾蒙其溫。秋霜宵墜。
芝蕙被其涼。是故威以齊物。為肅德以普濟。為公。○臣
聞巧盡於器。習數則貫。道繫於神。人亡則滅。是以輪匠
肆目。不乏奚仲之妙。瞽史清耳。而無伶倫之察。○臣聞
性之所期。貴賤同量。理之所極。卑高一歸。是以准日。○

楚襄王問於宋玉曰先生有遺行與宋玉對曰唯然也客有歌於郢中者其始曰下里巴人國中屬而和者數千人既而陽春白雪合商以用絕節赴曲國中唱而和之者幾無幾矣○臣聞春秋曰孔子行於東野馬逢食野人稼野人留其馬而買說而請之野人終不聽於是鄙人馬圍乃復往說曰子耕東海至於西海海馬何得不食子馬野人大悅解馬還之

水不能加涼晞日引火不必增燠○臣聞絕節高唱非用耳所悲肆義芳訊非庸聽所善是以南荆有寡和之歌東野有不釋之辯○臣聞尋煙染芬薰息猶芳徵音錄響操終則絕何則垂於世者可繼止平身者難結是以玄晏之風恒存動神之化已滅○臣聞託闇藏形不以巧密倚智隱情不足自匿是以重光發藻尋虛捕景大人貞觀探心昭成○臣聞披雲看霄則天文清澄風觀水則川流平是以四族放而唐劬一臣誅而楚寧○臣聞音以比耳為美色以悅目為歡是以衆聽所傾非假北里之操萬夫婉戀非俟西子之顏故聖人隨世以

擢佐明主因時而命官○臣聞出乎身者非假物所隆牽乎時者非克己所勗是以利盡萬物不能厭童昏之心德表生民不能救棲遑之辱○臣聞動循定檢天有可察應無常節身或難照是以望景揆日盈數可期撫臆論心有時而謬○臣聞傾耳求音眠優聽苦澄心徇物形逸神勞是以天殊其數雖同方不能分其感理塞其通則並質不能共其休○臣聞遁世之士非受匏瓜之性幽居之女非無懷春之情是以名勝欲故偶影之操矜窮愈達故凌霄之節厲○臣聞聽極於音不慕鈞天之樂身足於蔭無假垂天之雲是以蒲密之黎遺時

雍之世豐沛之士忘桓撥之君語典曰初民於變時雍○臣聞飛轡西頓則離

朱與膠賸收察懸景東秀則夜光與珉珠匿耀是以才

換世則俱困功偶時而並劬○臣聞不應於近遠有可

察託驗於顯微或可包是以寸管下俵天地不能以氣

欺尺表逆立日月不能以形逃○臣聞絃有常音故曲

終則改鏡無畜影故觸形則照是以虛已應物必究千

變之容挾情適事不觀萬殊之妙○臣聞枕敵希聲以

諧金石之和鼙鼓踈擊以節繁絃之契是以經治必宜

其通圖物恒審其會○臣聞日無嘗音之察耳無照景

之神故在乎我者不誅之於已存乎物者不求備於人

①楚昭王與吳人戰軍敗走昭王其時履已行三十步後還取之左右曰王何憤於此昭王曰國雖存豈無此騎履哉五步之內借出而不與之借返於是楚休無相尋者

②韓非子傳曰孔子出遊中原之野有婦人中澤而哭其哀孔子怪之使弟子問焉婦人對曰鄰者刈老婦是以衣在之曰此者非而亡善者有術悲道婦人曰非傷亡善者所以悲者不忘故也

臣聞放身而居體逸則安肆口而食屬厭則充是以王鮪登俎不假吞波之魚蘭膏停室不思銜燭之龍○

臣聞衝波安流則龍舟不能以漂震風洞發則夏屋有時而傾何則牽乎動則靜凝係乎靜則動貞是以淫風

大行貞女蒙治容之誨淳化殷流盜跖挾曾史之情○

臣聞達之所服貴有或遺窮之所接賤而必尋是以江

漢之君悲其墜屨少原之婦哭其亡簪○臣聞觸非其

類雖疾弗應感以其方雖微則順是以商飈漂山不興

盈尺之雲谷風乘條必降彌天之澗故聞於治者唱繁

而和寡審乎物者力約而功峻○臣聞煙出於火非火

而和寡審乎物者力約而功峻○臣聞煙出於火非火

①楚世下即征
好有獵畢式樂
雖諫不其乃不
食會獸之內三
年王改
齊桓公好游
樂衛姬為不聽
鄭衛之聲言大
家曰衛國作淫
佚之聲衛姬疾
桓公之好是故
不聽以厲桓公
也
漢成帝遊於
後庭欲與班婕
妤同蓋蓋婕妤
諫曰妾觀古圖
畫聖賢之君皆
有各臣在側二
代末主乃有嬖
女今欲同蓋得
無近似乎

經天人爰始夫婦以及君臣家道以正而王猷有倫婦
德尚柔含章貞吉婉婉淑慎正位居室施衿結褵度恭
中饋肅慎爾儀式瞻清懿樊姬感荊不食鮮禽衛女矯
相耳忘和音志厲義高而二主易心玄熊攀檻馬媛趨
進夫豈無畏知死不恡班妾有辭割驪同輦夫豈不懷
防微慮遠道罔隆而不殺物無盛而不衰日中則昃月
滿則微崇猶塵積替若駭機人咸知飾其容而莫知飾
其性性之不飾或忽禮正齊之藻之克念作聖出其言
善千里應之苟違斯義則同衾以疑夫出言如微而榮
辱由茲勿謂幽昧靈監無象勿謂玄漠神聽無響無矜

爾榮天道惡盈無恃爾貴隆隆者墜鑒于小星戒彼攸
遂比心螽斯則繁爾類驪不可以黷寵不可以專專實
生慢愛極則遷致盈必損理有固然美者自美翩以取
尤浴容求好君子所離結恩而絕職此之由故曰翼翼
矜矜福所以興靖恭自思榮顯所期女史司箴敢告庶
姬
銘類單于封燕然山銘
井序後漢齊都御侯暢來弟國
憂實憲遣刺客殺暢發覺懼誅
自求擊劊奴以贖死會南單于請兵北伐乃
拜憲車騎將軍以耿秉為副人被單于送登
燕然山刻石勒功紀漢威德封者增高也銘
名也述其功美使可稱述也時固隨實憲行
遂作
此銘
班固

平定勞川大卷之二

南本無曰中

維永元元年秋七月有漢元舅曰車騎將軍竇憲寅亮
 聖皇登翼王室納于太麓惟清緝熙乃與執金吾耿秉
 述職巡禦治兵於朔方鷹揚之校螭虎之士爰該六師
 暨南單于東胡烏桓西戎氐羌侯王君長之羣驍騎十
 萬元戎輕武長轂四分雷輜蔽路萬有三千餘乘勒以
 八陣位以威神玄甲曜日朱旗絳夫遂凌高闕下雞鹿
 經積鹵絕大漠斬温禺以豐鼓血尸逐以染鏑然後四
 校橫徂星流彗掃蕭條萬里野無遺寇於是域滅區殫
 反旆而旋考傳驗圖窮覽其山川遂踰涿邪跨安候乘
 燕然躡歸頻之區落焚老上之龍庭將上以摠高文之

山名

匈奴君長

匈奴君長

將上以摠高文之

宿憤光祖宗之玄靈下以安固後嗣恢拓境宇振大漢
 之天聲茲可謂一勞而久逸暫費而永寧也乃遂封山
 刊石昭銘盛德其辭曰鏢王師兮征荒裔勦凶虐兮截
 海外覓其邈兮且地界封神立兮建隆場熙帝載兮振
 萬世

座右銘

瑗兄瑁為人所殺瑗遂手刃其仇云命
蒙赦而出作此銘以自戒嘗置座右故

日座

後漢崔瑗字子玉涿郡人早孤銳志
好學能傳其父業舉茂才為汲令

崔瑗

無道人之短無說己之長施人慎勿念受施慎勿忘世
 譽不足慕唯仁為紀綱隱心而後動謗議庸何傷無使

名過實守愚聖所滅在涅貴不淄曖曖内含光柔弱生
之徒老氏誠剛彊行行鄙夫志悠悠故難量慎言節飲
食知足勝不祥行之苟有恒久久自芬芳

劔閣銘

晉張載父牧為蜀郡太守載隨父入蜀
作劔閣銘益州刺史張敏見而奇之乃
表上其文世祖
遣使鑄石記焉

張載

巖巖梁山積石我我遠屬荆衡近綴岷嶓南通印越北
達褒斜狹過彭碣高踰嵩華惟蜀之門作固作鎮是曰
劔閣壁立千仞窮地之險極路之峻世濁則逆道清斯
順閉由往漢開自有晉秦得百二并吞諸侯齊得十二
田生獻策矧茲狹隘土之外區一人荷戟萬夫赳赳形

勝之地匪親勿居昔在武侯中流而喜山河之固見屈
吳起與實在德險亦難恃洞庭孟門二國不祀自古迄
今天命匪易憑阻作昏鮮不敗績公孫既威劉氏銜璧
覆車之軌無或重跡勒銘山阿敢告梁益

石闕銘

井序梁武帝詔使陸倕為石闕刻漏一銘
冠絕當時帝賜以束帛朝野榮之石門
在端門外交道而置之其一
上隱起奇獸異禽之狀

陸倕

陸字佐公吳郡人少篤
學善屬文仕至大常卿

昔在舜格文祖禹至神宗周變商俗湯黜夏政雖革命
殊乎因襲揖讓異於干戈而畧緯冥合天人啓慧克明
俊德大庇生民其揆一也在齊之季昏虐君臨威侮五

○不難自紂思
刑輕乃更爲錮
桂以音塗之加
於然放之正使
有罪者緣等滯
跌降火中紂與
祖已死以爲樂
名曰炮烙之刑

行怠棄三正刑酷然炭暴踰高柱民怨神怒衆叛親離
踏地無歸瞻烏靡託於是我皇帝極之乃操斗極把鉤
陳翼百神禔萬福於是龍飛黑水虎步西河雷動風驅
天行地止命旅致屯雲之應登壇有降火之祥龜筮協
從人祗響附穿曾露頂之豪箕坐椎髻之長莫不援旗
請奮執銳爭先夏首憑固庸岷負阻協彼離心抗茲同
德帝赫斯怒秣馬訓兵嚴鼓未通凶渠泥首弘舸連軸
巨檻接艦鐵馬千羣朱旗萬里折簡而禽廬九傳檄以
下相羅兵不血刃士無遺鏃而樊鄧威懷巴黔底定於
是流湯之黨握炭之徒守似藩籬戰同枯朽革車近次
二水名
大輅日紂之本據放流湯者十八人以年爲禮

師營商牧華夷士女冠蓋相望扶老攜幼一旦雲集壺
漿塞野簞食盈塗似夏民之附成湯殷士之窺周武安
老懷少伐罪弔民農不遷業市無易賈八方入計四澳
奉圖羽檄交馳軍書狎至一日二日非止萬機而尊嚴
之度不譽於師旅淵默之容無改於行陣計如投水思
若轉規策定帷幄謀成几案曾未浹辰獨夫授首乃焚
其綺席棄彼寶衣歸璇臺之珠反諸侯之玉指麾而四
海隆平下車而天下大定極茲塗炭救此橫流功均天
地明並日月於是仰協三靈俯從億兆受昭華之玉納
龍斂之圖類帝禋宗光有神器升中以祀羣望攝袂而

朝諸夏布教都畿班政方外謀協上策刑從中典南服
緩耳西羈反舌劔騎寄廬之國同川共穴之人莫不屈
膝交臂厥角稽顙鑿空萬里攘地千都幕南罷鄯河西
無警於是治定功成適安遠肅忘茲鹿駭息此狼顧乃
正六樂治五禮改章程創法律置博士之職而著錄之
生若雲開集雅之館而欵關之學如市興建庠序啓設
郊丘一介之才必記無文之典咸秩於是天下學士靡
然向風人識廉隅家知禮讓教臻待子化洽期門區宇
入安方面靜息役休務簡歲阜民和歷代規摹前王典
故莫不斐夷翦截允執厥中以爲象闕之制其來已遠

◎周書曰文王
至自尚太叔
見商之庭生
太子發厥周
之梓樹之于
闕間化爲松栢矣

春秋設舊章之教經禮垂布憲之文戴聖所傳故號戴主戴記顯游觀之言
周史書樹闕之夢北荒明月西極流精海岳黃金河庭
紫貝蒼龍玄武之制銅爵鐵鳳之工闕名河伯所居 共闕名或以聽窮省窳或
以布治懸法或以表正王居或以光崇帝里晉氏浸弱
宋歷威夷禮經舊典寂寥無記鴻規盛烈湮沒罕稱乃
假天闕於牛頭託遠圖於博望有欺耳目無補憲章乃
命審曲之官選明中之士陳圭置身瞻星揆地興復表
門草創華闕於是歲次天紀月旅太簇皇帝御天下之
七載也構茲盛則興此崇麗方且趨以表敬觀而知法
物觀雙碣之容人識百重之典作範垂訓赫矣壯乎爰

五臣作審曲也

風

命下臣式銘盤石其辭曰○惟帝建國正位辨方周營
洛渙漢啓岐梁居因業盛文以化光爰有象闕是惟舊
章青蓋南洎黃旗東指懸法無聞藏書弗紀大人造物
龍德休否建此百常與茲雙起偉哉偃蹇壯矣巍巍旁
映重疊上遠翠微布教方顯決日初輝懸書有附委篋
知歸德屈重軒穹隆反宇形聳飛棟勢超浮柱色法上
圓制模下矩周望原隰俛臨煙雨前賓四會却背九房
北通二轍南濶五方暑來寒往地久天長神哉華觀永
配無疆

新漏刻銘

井序梁武帝以舊漏刻垂於乃令祖
恒更理之故曰新漏刻焉孔壺為漏

浮石則為刻下漏數刻
以考中星昏明星焉

陸陸

勿官漏銘五或
和七年命置
陳金鑿不造焉
列子曰昔者
楨氏練五色之
石以補其闕
蓋之足以立四
極其後其氏
與諸國爭焉
帝效而繼不周
之山折天世絕
地維也

夫自天觀象昏且之刻未分治歷明時盈縮之度無准
挈壺命氏遠哉義用揆景測辰微宮戒井守以水火分
茲日夜而同曆亡官疇人廢業孟陬殄滅攝提無紀衛
宏載傳呼之節較而未詳霍融敘分至之差詳而不密
陸機之賦虛握靈珠孫綽之銘空擅崑玉弘度遺篇承
天垂肯布在方冊無彰器用譬彼春華同夫海棗寧可
以軌物字民作範垂訓者乎且今之官漏出自會稽積
水違方導流垂則六日無辨五行不分歲躔闔茂月次
姑洗皇帝有天下之五載也樂遷夏諺禮變商俗業類

補天功均柱地河海夷晏風雲律呂坐朝晏罷每且晨

興屬傳漏之音聽雞人之響以為星火謬中金水違用

時乖啓閉箭異鎚銖爰命日官章創新器於是俯察旁

羅登臺升庫則于地四參以天一建武遺蠹咸和餘舛

金簡方圓之制飛流吐納之規變律改經一皆懲革沃

監六年太歲丁亥十月丁亥朔十六日壬寅漏成進御

以考辰正晷測表候陰不謬圭撮無乖黍累文可以校

運筭之睽合辨分天之邪正察四氣之盈虛課六歷之

疎密永世貽則傳之無窮赫矣煥乎無德而稱也昔嘉

量微物盤盂小器猶其昭德記功載在銘典况入神之

制與造化合符成物之能與坤元等契勳倍楹席事百

巾机寧可使多謝曾水有陋昆吾金字不傳銀書未勒

者哉乃詔小臣為其銘曰○一暑一寒有明有晦神道

無跡夫工罕代乃置鞿壺是惟毘載氣均衡石晷正確

繁世道交喪禮術銷亡遽遷水火爭削衣裳擊刃舛次

叢木垂方爰究爰度時惟我皇方壺外次圓流內襲洪

殺殊等高卑異級靈虬承注陰蟲吐喻候徃忽來鬼出

神人傲若抽繭逝如激電耳不聳音眼無留眴銅史司

刻金徒抱箭履薄非兢臨深固戰授受靡僞登降弗爽

唯精唯一可法可象月不知來日無藏徃分似符契至

以左手抱箭符
手指刻以金
時早晚

④周禮葉氏為
量其銘曰青量
既式以觀四國
永成厥後

⑤七卷曰黃帝
之史孔尚書盤
盂中為誠法

⑥曾水水名漢
得自於其中
吾山名其為
泉之所皆勒銘
於上言安可使
漏刻不及於彼
乎

⑦潘儀制曰
金銅人為其
居量

制與造化合符成物之能與坤元等契勳倍楹席事百
巾机寧可使多謝曾水有陋昆吾金字不傳銀書未勒
者哉乃詔小臣為其銘曰○一暑一寒有明有晦神道
無跡夫工罕代乃置鞿壺是惟毘載氣均衡石晷正確
繁世道交喪禮術銷亡遽遷水火爭削衣裳擊刃舛次
叢木垂方爰究爰度時惟我皇方壺外次圓流內襲洪
殺殊等高卑異級靈虬承注陰蟲吐喻候徃忽來鬼出
神人傲若抽繭逝如激電耳不聳音眼無留眴銅史司
刻金徒抱箭履薄非兢臨深固戰授受靡僞登降弗爽
唯精唯一可法可象月不知來日無藏徃分似符契至

詩林傳記大全卷之四

猶影響合昏暮卷棠莢長生尚辨天意猶測地情况我
神造通幽洞靈配皇等極為世作程

誄類

王仲宣誄

并序誄者累也人死後累其德行也

曹植

建安二十二年正月二十四日戊申魏故侍中關内侯
王君卒嗚呼哀哉皇穹神察詰人是恃如何靈祇殲我
吉士誰謂不痛早世即冥誰謂不傷華繁中寒存亡分
流天遂同期朝聞夕沒先民所思何用誄德表之素旗
何以贈終哀以送之遂作誄曰猗歟侍中遠祖彌芳
公高建業佐武伐商爵同齊魯邦祀絕世流裔畢萬黜
績惟光晉獻賜封于魏之疆天開之祚未肯稱玉厥姓

詰同哲

斯氏條分葉散世滋芳烈揚聲秦漢會遭湯九炎光中
矇世祖撥亂爰建時雍三台樹位履道是鍾寵爵之加

匪惠惟恭自君二祖為光為龍命曰休哉宜翼漢邦或
統太尉或掌司空百揆惟敘五典克從天靜人和皇教

遐通伊君顯考奕葉佐時入管機密朝政以治出臨朔
岱庶績咸熙君以淑懿繼此洪基既有令德材技廣宣

彊記洽聞幽讚微言文若春華思若涌泉發言可詠下
筆成篇何道不洽何藝不閑棋局逞巧博奕惟賢皇家

不造赤室隕顛宰臣專制帝用西遷君乃羈旅離此阻
艱翕然鳳舉遠窺荆蠻身窮志達居鄙行鮮振冠南嶽

艱翕然鳳舉遠窺荆蠻身窮志達居鄙行鮮振冠南嶽

濯纓清川潛處蓬室不干勢權我公奮鉞耀威南楚荆
人或違陳戎講武君乃義發筭我師旅高尚霸功投身
帝宇斯言既發謀夫是與是與伊何響我明德投戈編
郡稽顙漢非我公寔嘉表揚京國金龜紫綬以彰勲則
勲則伊何勞謙靡已憂世忘家殊畧卓峙乃署祭酒與
軍行止筭無遺策畫無失理我王建国百司備又君以
顯舉秉機省闈戴蟬珥貂朱衣皓帶入侍帷幄出擁華
蓋榮耀當世芳風瞻藹嗟彼東夷憑江阻湖駭擾邊境
勞我師徒光光戎輅霆駭風徂君侍華轂輝耀王塗思
榮懷附望彼來威如何不濟運極命衰寢疾彌留吉往

凶歸嗚呼哀哉翩翩孤嗣號慟崩摧發軔北魏遠迄南
淮經歷山河泣涕如頽哀風興感行雲徘徊游魚失浪
歸鳥忘栖嗚呼哀哉吾與夫子義貫丹青好和琴瑟分
過友生庶幾遐年攜手同征如何奄忽棄我夙感昔
宴會志各高厲予戲夫子金石難敝人命靡常吉凶異
制此驩之人孰先隕越何寤夫子果乃先逝又論死生
存亡數度予猶懷疑末之明據儻獨有靈游竟泰素我
將假翼飄颻高舉超登景雲妻子天路喪柩既臻將反
魏京靈輻迴軌白驢悲鳴虛廓無見藏景蔽形孰云仲
宣不聞其聲延首歎息雨泣交頸嗟乎夫子永安幽室

人誰不沒達士狗名生榮死哀亦孔之榮嗚呼哀哉

楊荊州誄 并序楊肇為荊州刺史是潘岳

維咸寧元年夏四月乙丑晉故折衝將軍荊州刺史東

武戴侯榮陽楊使者薨嗚呼哀哉夫天子建國諸侯立

家選賢與能政是以和周賴尚父殷憑太阿矯矯楊侯

晉之爪牙忠節克明茂績惟嘉將宋王粲肅清荒遐降

年不永玄首未華銜恨沒世命也奈何嗚呼哀哉自古

在昔有生必死身沒名垂先哲所躋行以號彰德以述

美敢託旒旌爰作斯誄其辭曰○邈矣遠祖系自有周

昭穆繁昌枝庶分流族始伯喬氏出楊侯奕世丕顯允

伯喬者以叔成初食菜於晉之陽

迪大猷天厭漢德龍戰未分伊君祖考方事之殷鳥則

擇木臣亦簡君投心外朝策名委身奮躍淵塗跨騰風

雲或統驍騎或據領軍篤生戴侯茂德繼期纂戎洪緒

克構堂基弱冠味道無競惟時孝實蒸蒸友亦怡怡多

才豐藝彊記洽聞目睇毫末心筭無垠草隸兼善尺牘

必珍足不輟行手不釋文翰動若飛紙落如雲學優則

仕乃從王政散璞發輝臨軼作令化行邑里惠洽百姓

越登同官肅我朝命惟此大理國之憲章君蒞其任視

民如傷庶獄明慎刑辟端詳聽參臯呂稱侔于張改授

農政于彼野王倉盈庾億國富兵彊煌煌文后鴻漸晉

室君以兼資參戎作弼用錫土宇膺茲顯秩青社白茅
亦朱其袂魏氏順天聖皇受終烈烈楊侯實統禁戎司
管聞闔清我帝宮苛慝不作穆如和風謂督勲勞班命
彌崇茫茫海岱玄化未周涓涓江漢疆場分流爭文兼
武時惟楊侯既守東莞乃牧荊州折衝萬里對揚王休
聞善若驚疾惡如讎示威示德以代以柔吳夷凶侈偽
師畏逼將乘讎釁席卷南極繼襄糧盡神謀不惑君子
之過引曲推直如彼日月有時則食負執其咎功讓其
力亦既旋旆為法受黜退守丘塋杜門不出游目典墳
縱心儒術祁祁搢紳升堂入室靡事不咨無疑不質位

賤道行身窮志逸弗慮弗圖乃寢乃疾昊夫不弔景命
其卒嗚呼哀哉子囊佐楚遺言城郢史魚諫衛以尸顯
政伊君臨終不忘忠敬寢伏牀蓐念在朝廷朝廷厭辭
夕隕其命聖主嗟悼寵贈食祿誅德策勲考終定謚羣
辟慟懷邦族揮淚孤嗣在疚寮屬含悽赴者同哀路人
增歎嗚呼哀哉余以頑蔽覆露重陰仰追先考執友之
心俯感知已識達之深承諱切懼涕淚霑襟豈忘載奔
憂病是沈在疾不省於亡不臨舉聲增慟哀有餘音嗚
呼哀哉

楊仲武誄 并序

潘岳

楊經字仲武滎陽宛陵人也中領軍肅侯之曾孫荊州
刺史戴侯之孫東武康侯之子也八歲喪父其母鄭氏
光祿勳密陵成侯之元女操行甚高恤養幼孤以保
夫家而免諸艱難戴侯康侯多所論著又善草隸之藝
子以妙年之秀固能綜覽義旨而執式模範矣雖舅氏
隆盛而孤貧守約心安陋巷體服菲薄余甚竒之若乃
清才儁茂盛德日新吾見其進朱見其已也既籍三葉
世親之恩而子之姑余之伉儷焉往歲卒於德宮里喪
服周次綢繆累月苟人必有心此亦款誠之至也不幸
短命春秋二十九元康九年夏五月己亥卒嗚呼哀哉
五五本作同

乃作誄曰伊子之光奕葉熙隆惟祖惟曾載揚休風
顯考康侯無祿早終名器雖光勲業未融篤生吾子誕
茂淑姿克岐克嶷知章知微鈎深探賾味道研幾匪直
也人邦家之輝子之邁閔曾未齒髮如彼危根當此衝
驟德之休明靡幽不喬弱冠流芳備聲清劭爾舅惟榮
爾宗惟瘁幼秉殊操遠豐安匱撰錄先訓俾無墮墜舊
文新藝罔不必肄潘楊之穆有自來矣矧乃今日慎終
如始爾休爾戚如實在已視予猶父不得猶子敬亦既
篤愛亦既深雖殊其年實同厥心日昃景西望子朝陰
如何短折背世湮沈嗚呼哀哉寢疾彌留守茲孝友臨

命忘身顧戀慈母哀哀慈母痛心疾首嗷嗷同生悽悽
諸舅春蘭擢莖方茂其華荆實挺璞將剖于和舍芳委
擢毀壁摧柯嗚呼仲武痛哉奈何德官之艱同次外寢
惟我與爾對筵接枕自持迄今曾未盈稔姑姪繼隕何
痛斯甚嗚呼哀哉披帙散書屢觀遺文有造有寫或草
或真執玩周復想見其人紙勞于手涕霑于巾龜茲既
襲埏隧既開痛矣楊子與世長垂朝濟洛川夕次山隈
歸鳥頡頏行雲徘徊臨穴永訣撫櫬盡哀遺形莫紹增
慟余懷魂兮往矣梁木實摧嗚呼哀哉

夏侯常侍誄 并序 湛早有二名譽與岳友善時人號為連璧惠帝時為散騎常侍

潘岳

夏侯湛字孝若譙國譙人也少知名弱冠辟太尉府掾
賢良方正徵為太子舍人尚書郎野王令中書郎南陽
相家艱乞還頃之選為太子僕未就命而世祖崩天子
以為散騎常侍從班列也春秋四十有九元康元年夏
五月壬辰寢疾卒於延喜里第嗚呼哀哉乃作誄曰○
禹錫玄珪實曰文命克明克聖光啓夏政其在子漢邁
勲惟孳思弘儒業小大雙名顯祖曜德牧宥及荆父子
淮岱治亦有聲萊英夫子灼灼其雋飛辯摘藻華繁上
振如彼隨和發彩流潤如彼錦繡列素點綸人見其表

莫測其衷徒謂吾生文勝則史心照神交唯我與子且
歷少長逮觀終始子之承親孝齊聞參子之友悌和如
瑟琴事君直道與朋信心雖實唱高猶賞爾音弱冠厲
翼羽儀初升高擢公弓既招皇典乃徵內贊兩宮外宰黎蒸
忠節允著清風載興決彼樂都寵子惟王設官建輔妙
簡邦良用取喉舌相爾南陽惠訓不倦視人如傷乃眷
北顧辭祿延喜余亦偃息無事明時疇昔之游一紀于
茲斑白攜手何歡如之居吾語汝衆實勝寡人惡備異
俗疵文雅執執疲揚長沙投賈無謂爾高恥居物下子
乃洗然變色易容慨然歎曰道固不同為仁由已匪我

求蒙誰毀誰譽何去何從莫涅匪緇莫磨匪磷子獨正
色居屈志申雖不爾以猶致其身獻替盡規媚茲一人
讜言忠謀世祖是嘉將僕儲皇奉饗承東宮華朱朝未命聖
列顯加入侍帝闈出光厥家我聞積善神降之吉宜享
遐紀長保天秩如何斯人而有斯疾曾未知命中年隕
卒嗚呼哀哉惟爾之存匪爵而貴其食美服重珍兼味
臨終遺誓永錫爾類歛以時襲殯不簡器誰能拔俗生
盡其養孰是養生而薄其葬淵哉若人縱心倬暢傑操
明達困而彌亮柝輅既祖容體長歸存亡永訣逝者不
追望子舊車覽爾遺衣幅抑失聲迸涕交揮非子為慟

吾勳為誰。嗚呼哀哉。日往月來。暑退寒襲。零露霑。勁
風凄急。慘爾其傷。念我良執。適子素館。撫孤相泣。前思
未弭。後感仍集。積悲滿懷。逝矣安及。嗚呼哀哉。

馬汧督誄 汧序馬敦為汧督。氏羌來攻。敦苦戰。在汧城。為州司所嫉。發憤死於獄中。

潘岳

惟元康六年秋九月十五日。晉故督守關中侯扶風馬
君卒。嗚呼哀哉。初雍部之內屬羌反。未弭而編戶之氏
又肆逆焉。雖王旅致討。終於殄滅。而蜂蠆有毒。驟失小
利。俾百姓流亡。頽於塗炭。建威喪元於好時。州伯宵逝
乎大谿。若夫偏師裨將之隕首覆軍者。蓋以十數。符

專城。紆青拖墨之司。奔走失其守者。相望於境。秦隴之
僭輦更為魁。既已襲汧而館其縣。子以眇爾之身。介乎
重圍之裏。率寡弱之衆。據十雉之城。羣氏如蝟毛而起。
四面雨射。城中鑿穴而處。負戶而汲。木石將盡。樵
蘇乏竭。芻蕘罄絕。於是乎發梁棟而用之。弓以鐵鎖。機
關既縱。礮而又升焉。饜陳焦之麥。柿栢桷之松。用能薪
芻不匱。人畜取給。青煙傍起。櫛馬長鳴。凶醜駭而疑懼。
乃闕地而攻。子命穴浚。擊實壺鑪。旣以偵之。將穿城
響作。因焚積火。薰之。潛氏殲焉。久之。安西之救至。竟免
虎口之厄。全數百萬石之積。文契書於幕府。聖朝疇咨。

平上七海川

卷之三

進以顯秩殊以幢蓋之制而州之有司乃以私隸數口
穀數十斛考訊吏兵以檟楚之辭連之大將軍屢抗其疏
曰敦固守孤城獨當羣寇以少禦衆載離寒暑臨危奮
節保穀全城而雍州從事忌敦勲效推極小疵非所以
褒獎元功宜解敦禁効假授詔書遽許而子固已下獄
發憤而卒也朝廷聞而傷之策書曰皇帝咨故督守關
中侯馬敦忠勇果毅率屬有方固守孤城危逼獲濟寵
秩未加不幸喪亡朕用悼焉今追贈牙門將軍印綬祠
以少牢竟而有靈嘉茲寵榮然潔士之間穢其庸致思
乎若乃下吏之肆其繁害則皆妬之徒也嗟乎妬之欺

善抑亦質首之雖也語曰戒其子慎無爲善言固可
以若是悲夫昔乘丘之戰縣景父御魯莊公馬驚敗績
責父曰他日未嘗敗績而今敗績是無勇也遂死之圍
人浴馬有流矢在白肉公曰非其罪也乃誅之漢明帝
時有同馬叔持者白日於都市手劔父雖視死如歸亦
命史臣班固而爲之誄然則忠孝義烈之流慷慨非命
而死者綴辭之士未之或遺也天子旣已策而贈之微
臣託乎舊史之末敢闕其末哉乃作誄曰○知人未易
人未易知嗟茲馬生位未名卑西戎猾夏乃奮其奇保
此汧城救我邊危彼邊奚危城小粟富子以眇身而裁

其守兵無加衛。埔不增築。焚焚羣狄豺虎競逐。鞏更恣
睢。潛時官等。齊萬虓闕。震驚台司。聲勢沸騰。種落燼熾。
旌旗電舒。戈矛林植。彤珠星流。飛矢雨集。惴惴士女。號
天以泣。麋麥而炊。負戶以汲。累卵之危。倒懸之急。馬生
爰發。在險彌亮。精貫白日。猛烈秋霜。稜威可厲。懦夫克
壯。霑恩撫循。寒士挾纊。蠢蠢犬羊。阻衆陵寡。潛隧密攻。
九地之下。愜愜窮城。氣若無假。昔命懸天。今也惟馬。惟
此馬生。才博智贍。偵以瓶壺。剔以長蘄。鍾未見鋒。火以
起。烟薰戶。滿窟培穴。以斂。木石匱竭。其裨空虛。矚然馬
生。傲若有餘。芻梁爲禡。柿松爲芻。守不乏械。歷有鳴駒。

哀哀建威。身伏斧質。悠悠烈將。覆軍喪器。戎釋我徒。顯
誅我帥。以生易死。疇克不二。聖朝西顧。關右震惶。分我
洲。度化爲寇糧。實賴夫子。思暮彌長。咸使有勇。致命知
方。我雖未學。聞之前典。十世有能。表墓旌善。思人愛樹。
其常勿翦。矧乃吾子。功深疑淺。兩造未具。儲肆蓋鮮。孰
是勲庸。而不獲免。猾哉部司。其心反側。斷善害能。醜正
惡直。牧人逶迤。自公退食。聞穢鷹揚。曾不戢翼。忘爾太
勞。猜爾小利。苟莫開懷。予何不至。慨慨馬生。碾碾高致。
發憤囹圄。沒而猶眠。嗚呼哀哉。安平出奇。破齊克完。張
孟運籌。危趙獲安。洲人賴子。猶彼談單。如何吝嫉。搖之

平北府州文卷之三

卷之三

筆端傾倉可賞。矧云私粟。狄隸可頒。况曰家僕。剔子雙
龜。貫以三木。功存汴城。身死汴獄。凡爾同圍。心焉摧割。
扶老攜幼。街號巷哭。嗚呼哀哉。明明天子。旌以殊恩。光
光寵贈。乃牙其門。司勳班爵。亦兆後昆。死而有靈。庶慰
冤冤。嗚呼哀哉。

陽給事誄

并序宋書永初三年索虜嗣自率衆至方城采力攻滑臺城東北崩壞王景度同馬陽瓚堅守不動爲虜所殺少帝追贈給事中尚書令傅亮議瓚家在彭城宜卽以入臺絹一百匹粟三百斛賜給文士顏延年爲之誄

顏延之

惟永初三年十一月十一日。宋故寧遠司馬濮陽太守
彭城陽君卒。嗚呼哀哉。瓚少稟志節。資性忠果。奉上以

誠。率下有方。朝嘉其能。故授以邊事。永初之末。佐守滑
臺。值國禍荐臻。王略中否。德虜聞釁。剝司交幽。并騎
弩屯逼。鞏洛列營。緣戍相望。屠潰瓚奮其猛銳。志不違
難。立乎將卒之間。以緝華裔之衆。罷困相保。堅守四旬。
上下力屈。受陷勦寇。士師奔擾。棄軍爭免。而瓚誓命沈
城。挺身飛鏃。兵盡器竭。斃于旗下。非夫貞壯之氣。勇烈
之志。豈能臨敵引義。以死徇節者哉。景平之元。朝廷聞
而傷之。有詔曰。故寧遠司馬濮陽太守陽瓚。滑臺之逼。
厲城固守。投命徇節。在危無撓。占之烈士。無以加之。可
贈給事中。振卹遺孤。以慰存亡。追寵既彰。人知慕節。河

汴之間有義風矣逮元嘉廓祚聖神紀物光昭茂緒旌
錄舊勳苟有槩於貞孝者實事感於仁明未臣蒙固側
聞至訓敢詢諸前典而爲之誄其辭曰○貞不常祐義
有必軌處父勤君怨在登賢苦夷致果題子行間忠壯
之烈宜自爾先舊勳雖廢邑氏遂傳惟邑及氏自溫徂
陽孤續旣降晉族弗昌之子之生立績宋皇拳猛沈毅
溫敏肅良如彼竹柏負雪懷霜如彼駢駟配服駢衡邊
兵喪律王略未恢函夾堙阻瀝洛蒿萊朔馬東驚胡風
南埃路無歸轉野有委骸帝圖斯艱簡兵投不寔命陽
子佐師危臺憐彼危臺在滑之坳周衛是交鄭翟是爭

昔惟華國今實邊亭憑嶽結關負河築城金柝夜擊和
門畫扇料敵厭難時惟陽生涼冬氣勁塞外草衰邊矣
儻虞乘障犯威鳴驥橫厲霜鏑高聳軼我河縣俘我洛
畿攢鋒成林投鞍爲圍翳翳窮壘嗷嗷羣悲師老變形
地孤援闊卒無半菽馬實世林守未焚衝攻已濡褐烈
烈陽子在困彌達勉慰瘵傷拊巡飢渴力雖可窮氣不
可奪義立邊疆身終鋒楛嗚呼哀哉貴父隕節魯人是
志汗督效貞晉策攸記皇上嘉悼思存寵異于以贈之
言登給事疏爵紀庸恤孤表廟嗟爾義士沒有餘喜嗚
呼哀哉

陶徵士誄

并序陶潛隱居有詔徵為著作郎不

夫璿玉致美。不為池隍之寶。桂椒信芳。而非園林之實。

豈期深而好遠哉。蓋云殊性而已。故無足而至者。物之

藉也。隨踵而立者。人之薄也。若乃巢高之抗行。夷皓之

峻節。故已父老堯禹。錙銖周漢。而餘世浸遠。光靈不屬。

至使菁華隱沒。芳流歇絕。不其惜乎。雖今之作者。自

為量。而首路同塵。輟塗殊軌者多矣。豈所以昭末景。泛

餘波。有晉徵士尋陽陶淵明。南岳之幽居者也。弱不好

弄。長實素心。學非稱師。文取指達。在衆不失其寡。處言

適見其默少。而貧病居無僕妾。井曰弗任。藜藿不給。母

老子幼就養勤。遠惟田生致親之議。追悟毛子捧檄

之懷。初辭州府三命。後為彭澤令。道不偶物。棄官從好。

遂乃解體世紛。結志區外。定跡深棲。於是乎遠灌畦。鬻

蔬為供。魚菽之祭。織絢緯蕭。以充糧粒之費。心好異書。

性樂酒德。簡棄煩促。就成省曠。殆所謂國爵并貴。家人

忘貧者歟。有詔徵為著作郎。稱疾不到。春秋若干。元嘉

四年。月日卒于尋陽縣之某里。近識悲悼。遠士傷情。冥

默福應。嗚呼淑貞。夫實以誄華名。由謚高苟。名德義貴

賤何筭焉。若其寬樂令終之美。好廉克己之操。有合謚

陶徵士誄外傳曰
齊宣王謂田遊
曰吾聞儒者親
喪三年君之與
父孰重田過對
曰死不知父重
王念曰則田為
去親而重君田
對曰非君之干
地無以處吾親
非君之祿無以
養吾親非君之
爵無以尊吾親
親受之於君我
之親也事君者
以爲親也宜王
悅然無以應之
田從漢書曰毛
義家貧以養親
南陽人張奉慕
其行也
定而府掾適到
以義守人義
而人亦動
色奉者志尚之
上心賦之
未固難而去及

義州及善州
嚴數徒公府為
縣今進退必以
禮交其官良公
車不重其
奉歎曰賢者固
不可測其有之
善為親也

典無愆前志故詢諸友好宜謚曰靖節徵士其辭曰○
物尚特生人固介立豈伊時邁身云世及嗟乎若士望
古遙集報此洪族茂彼名級睦親之行至自非敦然諾
之信重於布言廉深簡繁貞夷粹温和而能峻博而不
繁依世尚同詭時則異有一於此兩非默置豈若夫子
因心違事喪榮好古薄身厚志世霸虛禮州壤推風孝
惟義養道必懷邦人之秉彝不隘不恭爵同下士祿等
上農度量難鈞進退可限長卿棄官稚賓自免子之悟
之何悟之辨賦詩歸來高蹈獨善亦既超曠無適非心
汲流舊巘茸宇家林晨煙暮靄春煦秋陰陳書輟卷置

酒絃琴居備勤儉躬兼貧病人否其憂子然其命隱約
就閑遷延辭聘非直也明是惟道性糾纏幹流真漠報
施孰云與仁實疑明智謂天蓋高胡警斯義履信曷憑
思慎何寘年在中身疾維疢疾視死如歸臨凶若吉藥
劑弗嘗禱祀非恤僚幽告終懷和長畢嗚呼哀哉敬述
靖節式尊遺占存不願豐沒無求瞻省計却聘輕哀薄
歛遭壤以穿旋葬而窆嗚呼哀哉深心追往遠情逐化
自爾介居及我多暇伊好之洽接閭隣舍宵盤晝懋非
舟非駕念昔宴私舉觴相誨獨正者危至方則闕哲人
卷舒布在前載取鑒不遠吾規子佩爾實愀然中言而

發達衆速尤。迂風先慶。身才非實。榮聲有歇。啟音永矣。
誰箴余闕。嗚呼哀哉。仁焉而終。智焉而斃。照婁既沒。展
劄亦逝。其在先生。同塵往世。旌此靖節。加彼康惠。嗚呼
哀哉。

宋孝武宣貴妃誄 并序 孝武殷淑儀薨。追進
為貴妃。班亞皇后。諡曰宣

謝莊

惟大明六年夏四月壬子。宣貴妃薨。律谷罷煖。龍鄉輟
曉。照車去魏。連城辭趙。皇帝痛掖殿之既開。悼泉途之
已宮。巡步檐而臨蕙路。集重陽而望椒風。嗚呼哀哉。天
寵方隆。王姬下姻。肅雍揆景。陟此爰臻。國軫喪淑之傷

家疑賁花之怨。敢撰德於旂旒。庶圖芳於鐘萬。其辭曰
○玄丘煙煨。瑤臺降芬。高唐滌雨。巫山鬱雲。誕發蘭儀。
光啓玉度。望月方娥。瞻星比婺。毓德素里。棲景宸軒。處
麗絺綌。出懋蘋蘩。脩詩賁道。稱圖照言。翼訓妙性。贊軌
堯門。綢繆史館。容與經闈。陳風緝藻。臨豕分微。游藝殫
數。撫律窮機。躊躇冬愛。悵悵秋暉。展如之華。寔邦之媛。
敬勲顯揚。肅恭崇憲。奉榮維約。承慈以遜。速下延和。臨
睚違怨。祚靈集祉。慶藹迎祥。皇胤璿式。帝女金相。聯跼
齊穎。接萼均芳。以藩以牧。燭代輝絜。眊眊朔書。氣觀臺告。
稷八頌。扇和六祈。輟滲衡總。滅容翬翟。毀柱掩綵。瑤光

收華紫禁。嗚呼哀哉。惟軒夕改。軒輅長遷。離宮天遠。別
殿雲懸。靈衣虛襲。組帳空煙。巾見餘軸。匣有遺絃。嗚呼
哀哉。移氣朔兮。變羅紈。白露凝兮。歲將闌。庭樹驚兮。中
帷響。金缸暖兮。玉座寒。純孝擗其俱毀。共氣摧其同樂。
仰昊天。之莫報。怨凱風。之徒攀。茫昧與善。寂寥餘慶。喪
過丁哀。棘實滅性。世覆冲華。國虛淵令。嗚呼哀哉。題湊
既肅。龜筮既宸。階撤兩奠。庭引雙輜。維慕維愛。曰子曰。
身動皇情。於容物。崩列辟於上。更崇徽章。而出寰甸。照
殊策而去。城闈。嗚呼哀哉。經建春而右轉。循閭闔而逕
渡。旌委鬱於飛飛。龍逶遲於步步。鏘楚挽於槐風。喝邊

簫於松霧。涉姑絲而環迴。望樂池而顧慕。嗚呼哀哉。晨
輻解鳳。曉蓋俄金山。庭寢日隘。路抽陰重。扇闕兮燈已
黯。中泉寂兮。此夜深銷。神躬於壤。木散靈龜於天。濤響
乘氣兮。蘭馭風德有遠兮。聲無窮。嗚呼哀哉。

哀文類 哀永逝文 此岳傷妻之詞 潘岳

啓夕兮宵興。悲絕緒兮莫承。俄龍輜兮門側。嗟俟時兮
將并。嫂姪兮章俎。慈姑兮垂衿。聞鳴雞兮戒朝。咸驚號
兮撫膺。逝日長兮生年淺。憂患衆兮歡樂鮮。彼遙思兮
離居。歎河廣兮宋遠。今奈何兮一舉。邈終天兮不反。盡
余哀兮。祖之晨揚。明燦兮授靈。輶撤房帷兮。席庭筵舉。

醉腸兮告永遷。悽切兮增歎。俯仰兮揮淚。想孤魂兮眷
舊宇。視倏忽兮若髮鬢。徒髮鬢兮在慮。靡耳目兮一遇。
停駕兮淹留。徘徊兮故處。周末兮何獲。引身兮當去。去
華輦兮初邁。馬迴首兮旋旆。風泠泠兮入帷。雲霏霏兮
承蓋。鳥挽翼兮忘林。魚仰沫兮失瀨。悵悵兮遲遲。遵吉
路兮凶歸。思其人兮已滅。覽餘跡兮未夷。昔同塗兮今
異世。憶舊歡兮增新悲。謂原隰兮無畔。謂川流兮無岸。
望山兮寥廓。臨水兮浩汗。視天日兮蒼茫。面邑里兮蕭
散。匪外物兮或改。固歡哀兮情換。嗟潛隧兮既啟。將送
形兮長往。委蘭房兮繁華。奠窮泉兮朽壤。中慕叫兮櫛

莊子曰。莊子
妻死。惠子吊之。
則方箕踞鼓盆。
而歌。惠子曰。與
人居長子。若身
死。不哭。亦足矣。
又鼓盆而歌。不
已。甚乎。莊子曰。
不然。是其始死。
也。我獨何能無
也。然。竊獨始而
生。非徒無
生。而本無形。非
徒無形。而本無
氣。人且偃然。寤
於巨室。而我獨
嗷嗷而哭之。且
以為不運乎。全
故止。

標之子降兮宅兆。撫靈輓兮訣幽房。稽冥冥兮延窆。
戶闔兮燈滅。夜何時兮復暎。歸反哭兮殯宮。聲有止兮
哀無終。是乎非乎。何遑。起一遇兮。月中既遇。目兮無兆。
曾寤寐兮弗夢。既顧瞻兮家道長。寄心兮爾躬。重曰。已
矣。此蓋新哀之情。然耳。泉懷之其幾何。庶無愧兮。莊子
宋文皇帝元皇后哀策文
皇后諱齊嬀。陳郡人。
左光祿大夫敬公湛
之庶女。適于太祖。生
太子劼。諡曰元。

惟元嘉十七年七月二十六日。大行皇后崩于顯陽殿。
粵九月二十七日。將遷瘞于長寧陵。禮也。龍輅纒紼。容
翟結縵。皇塗昭列。神路幽巖。皇帝親臨。祖饋躬瞻。齋載。

善本作空

飾遺儀於組旒。淪徂音乎珎珎。悲黼筵之移御。痛翬楡之重晦。降輿客位。撤奠殯階。乃命史臣。累德述懷。其辭曰。倫昭儷昇。有物有憑。直精初燦。方祗始凝。昭哉世族。祥發慶膺。祕儀景肖。圖光玉繩。昌暉在陰。柔明將進。率禮蹈和。稱詩納順。爰自待年。金聲夙振。亦既有行。素章增綯。象服是加。言觀維則。俾我皇風。始基嬪德。惠問川流。芳猷淵塞。方江泳漢。載謠兩國。伊昔不造。鴻化中微。用集寶命。仰陟天機。釋位公宮。登曜紫闈。欽若皇施。允迪前徽。孝達寧親。敬行宗祀。進思才淑。傍綜圖史。發音在詠。動容成紀。靈政穆宣。房樂韶理。坤則順成。星軒

潤飾德之所屆。惟深必測。下節震騰。上清眺側。有來斯雍。無思不極。謂道輔仁。司化莫晰。象物方臻。賦稜告滌。太和既融。收華委世。蘭殿長陰。椒塗弛衛。嗚呼哀哉。戒涼在疎。杪秋即夕。霜夜流唱。曉月升鳧。八神警引。五輅遷跡。噉噉儲嗣。哀哀列辟。灑零玉墀。雨泗丹掖。撫存悼亡。感今懷昔。嗚呼哀哉。南背國門。北負山園。僕人按節。服馬顧轅。遙酸紫蓋。眇泣素軒。滅綵清都。夷體壽原。邑野淪靄。戎夏悲謹。來芳可述。往駕弗援。嗚呼哀哉。齊敬皇后哀策文。劉皇后諱惠端。彭城人。光祿大夫道弘女。高帝為明帝納。之。永明七年卒。葬江乘。張山明帝。謝朓。即位。追尊為皇后。改葬祔興安陵。

六服 禮 禮 衣
衾 衣 衾 衣
展 衣 衾 衣

惟永泰元年秋九月朔日。敬皇后梓宮啓自先塋將祔于其陵。其口至尊親奉奠其皇帝。乃使兼太尉某設祖於行宮。禮也。翠轡舒阜。玄堂啓扉。俎撤三獻。筵卷六衣。哀子嗣皇帝懷。靈衛而延首。想鷲輅而撫心。痛椒塗之先廓。哀長信之莫臨。身隔兩赴。時無二展。旋詔左言。光敷聖善。其辭曰。帝唐遠胄。御龍遙緒。在秦作劉。在漢開楚。肇惟淑聖。克柔克令。清漢表靈。曾沙膺慶。爰定厥祥。徽音允穆。光華沼沚。榮曜中谷。敬始紘緼。教先種稷。睿問川流。神襟蘭郁。先德緝光。君道方披。千佐求賢。所謁無諛。顧史弘式。陳詩展義。厚下曰仁。藏往伊智。十亂

斯侯。四教罔忒。思媚諸姑。貽我嬪妃。化自公宮。遠被南國。軒羅懷光。素舒佇德。閔予不祐。慈訓早違。方年冲藐。懷袖靡依。家臻寶業。身嗣昌輝。壽官寂遠。清廟虛歸。嗚呼哀哉。帝遷明命。民神胥悅。乾景外臨。陰儀內缺。空悲故劬。徒嗟金穴。璋璣奚獻。梅榆罔設。嗚呼哀哉。馮相告稜。宸駕長往。貽厥遠圖。未命是獎。懷豐沛之綢繆。背神京之弘敞。陋蒼梧之不從。兮遵鮒隅以同壤。嗚呼哀哉。陳象設於園寢。兮映輿鍤於松楸。望承明而不。兮度清洛而南游。繼池綜於通軌。兮接龍帷於造舟。廻塘寂其已暮。兮東川澹而不流。嗚呼哀哉。籍閔宮之遠烈。

平定府人...

...

兮聞續女之遐慶始協德於蘋蘩兮終配祀而表命慕
方纏於賜衣兮哀日隆於撫鏡思寒泉之罔極兮託彤
管於遺詠嗚呼哀哉

碑文類

郭有道碑文

并序

蔡邕

邕字伯喈後漢陳留人

橋玄府相遷至中郎後董卓辟遷尚書及卓被誅王允收邕付廷尉遂死獄中

先生諱泰字林宗太原界休人也其先出自周王季之穆有號叔者寔有懿德文王咨焉建國命氏或謂之郭即其後也先生誕應天衷聰睿明哲孝友溫恭仁篤慈惠夫其器量弘深姿度廣大浩浩焉注注焉奧乎不可測已若乃砥節殲行直道正辭貞固足以幹事隱括

足以矯時遂考覽六經探綜圖緯周流華夏隨集帝學收文武之將墜拯微言之未絕下時纓綬之徒紳珮之士望形表而影附聆嘉聲而響和者猶百川之歸巨海鱗介之宗龜龍也爾乃潛隱衡門收朋勤海童蒙賴焉用祛其蔽州郡聞德虛已備禮莫之能致羣公休之遂辟司徒掾又舉有道皆以疾辭將蹈鴻漚之遐跡紹巢許之絕軌翔區外以舒翼超天衢以高峙稟命不融享年四十有一以建寧二年正月乙亥卒凡我四方同好之人永懷哀悼靡所寔念乃相與惟先生之德以謀不朽之事僉以為先民既沒而德音猶存者亦賴之於見

述也今其如何而闕斯禮於是樹碑表墓昭銘景行俾
 芳烈奮于百世今聞顯於無窮其辭曰 於休先生明
 德通玄純懿淑靈受之自天崇壯幽浚如山如淵禮
 樂是悅詩書是教匪惟摭華乃尋厥根官牆重仞允
 得其門懿乎其純確乎其操洋洋指紳言觀其
 高棲蓬泌丘善誘能教赫赫三事幾行其招委辭召責
 保此清妙降言不永民斯悲悼爰勒茲銘揭其光曜嗟
 爾來世是則是汝

陳太丘碑文 并序

祭邑

先生諱寔字仲弓潁川許人也含元精之和應期運之

十五之止

數兼資九德總脩百行於鄉黨則恂恂焉彬彬焉善誘
 善導仁而愛人使夫少長咸安懷之其為道也用行舍
 藏進退可度不徼許以于時不遷怒以臨下四為郡功
 曹五辟豫州六辟三府再辟大將軍宰聞喜半歲太丘
 一年德務中庸敦敦不肅政以禮成化行有謚會遭黨
 事禁錮二十年樂天知命澹然自逸交不誦上愛不瀆
 下見錢而作不俟終日及文書赦宥時年已七十遂隱
 丘山懸車告老四門備禮閉心靜居大將軍何公司徒
 表公前後招辟使人曉喻云欲特表便可入踐常伯超
 補三事紆佩金紫光國垂勲先生曰絕望已久飾巾待

令侍中也周時名曰常伯

期而巳。皆遂不至。弘農楊公東海陳公每在哀職羣寮
賀之。皆舉手曰。潁川郡陳君絕世超倫。大位未躋。慙於
文仲竊位之負。故時人高其德。重乎公相之位也。年八
十有三。中平三年八月丙午。遭疾而終。臨沒顧命。留葬
所卒。時服素棺。槨財周。櫬喪事。唯約用。過乎儉。羣公百
寮莫不咨嗟。嚴敷知名。失聲揮涕。大將軍弔祠。錫以嘉
諡。曰。徵士陳君。稟岳瀆之精。苞靈曜之純。天不憖遺老。
俾屏我王。梁崩哲萎。手時靡憲。楮紳儒林。論德謀跡。謚
曰。文範先生。傳曰。郁郁乎文哉。書曰。洪範九疇。彝倫攸
敘。文為德表。範為士則。存誨沒號。不亦宜乎。三公遺令

使祭以中牢。刺史敬弔。太守南陽曹府君命官作誄曰。
赫矣陳君。命世是生。含光醇德。為士作程。資始既止。守
終有令。奉禮終沒。休矣清聲。遺宮屬椽吏。前後赴會。刊
石作銘。府丞與比縣會葬。荀慈明韓元長等五百餘人。
總麻設位。哀以送之。遠近會葬千人。已上河南尹种府
君臨郡。追歎功德。述錄高行。以為遠近鮮能及之。重部
大椽以成時銘。斯可謂存榮沒哀。死而不朽者已。乃作
銘曰。○我我崇嶽。吐符降神。於皇先生。抱寶懷珍。如何
昊穹。既喪斯文。微言圯絕。來者曷聞。交交黃鳥。爰集于
棘。命不可贖。哀何有極。

褚淵碑文

并序淵人品本自中下強欲稱美中
間魯侯方進櫻契荀裴之擬不免幸
命讀之強顏處士何點戲謂人曰我作齊書
已竟其贊曰淵既世族儉亦國華不賴舅氏
是恤國家蓋淵儉母皆宋公主故點云
然然則儉為淵作碑宜其稱譽之過也

王儉

儉字仲寶琅邪人也幼好
學手不釋卷為中書監

夫太上有立德其次有立功此之謂不朽所以子產云

亡宜尼泣其遺愛隨武既沒趙文懷其餘風於文簡公

見之矣公諱淵字彥回河南陽翟人也微子以至仁開

基宋段以功高命氏爰逮兩漢儒雅繼及魏晉以降奕

世重暉乃祖太傅元穆公德合當時行比州壤洙誠藏

否不以駁譽形言亮承王室每懷冲虛之道可謂婉而

成章志而晦者矣自茲厥後無替前規建官惟賢軒冕

相襲公稟川嶽之靈暉含珪璋而挺曜和順內氣英華

外發神茂初學業隆弱冠是以仁經義緯敦穆於閨庭

金聲玉振寥亮於區宇孝敬淳深率由斯至盡歡朝夕

人無間言逍遙乎文雅之圃翱翔乎禮樂之場風儀與

秋月齊明音徽與春雲等潤韻宇弘深喜愠莫見其際

心明通亮用人言必猶於已注注焉洋洋焉可謂澄之

不清撓之不濁表陽源才氣高奇綜覈精裁宋文帝端

明臨朝鑒賞無昧表既延譽於遐邇文亦定婚於皇家

選尚餘姚公主拜駙馬都尉漢結叔高晉姻武子方斯

裴如也。釋褐著作佐郎。轉太子舍人。濯纓登朝。冠冕當

世。升降兩宮。實惟時寶。具瞻之範。既著台衡之望。斯集

出參大宰軍事。入為太子洗馬。俄遷祕書丞。贊道槐庭。

司文天閣。光昭諸侯。風流籍甚。以父憂去職。喪過乎哀。

幾將毀滅。有識留感。行路傷情。服闋除中書侍郎。王言

如絲。其出如綸。恪居官次。智效惟穆。于時新安王寵冠

列蕃。越敷邦教。毗佐之選。妙盡國華。出為司徒右長史。

轉尚書吏部郎。執銓以平。御煩以簡。裴楷清通。王戎簡

要。復存於茲。泰始之初。入為侍中。曾不移朔。遷吏部尚

書。是時天步初夷。王途向阻。元戎啓行。衣冠未緝。內贊

謀謨。外康流品。制勝既遠。涇渭斯明。賞不失勞。舉無失

德。績簡帝心。聲敷物聽。事寧領太子右衛率。固讓不拜。

尋領驍騎將軍。以帷幄之功。膺庸祇之秩。封雩都縣開

國伯。食邑五百戶。既秉辨梁之介。又懷寢丘之志。所受

田邑不盈百井。久之重為侍中。領右衛將軍。盡規獻替。

均山甫之庸。緝熙王旅。兼方叔之望。丹陽京輔。遠近攸

則。吳興襟帶。實惟股肱。頻作二守。並加蠅鼻。政以禮成。

民是以息。明皇不豫。儲后幼冲。貽厥之寄。允屬時望。徵

為吏部尚書。領衛尉。固讓不拜。改授尚書右僕射。端流

乎衡。外寬內直。弘二八之高。暮宣由庚。而垂詠。太宗即

詩曰。赫維尹。具其兩髦。

具瞻台衡。並宰相之位也。

詩曰。維岳降神。生甫及申。

詩曰。維岳降神。生甫及申。

詩曰。維岳降神。生甫及申。

詩曰。維岳降神。生甫及申。

詩曰。維岳降神。生甫及申。

詩曰。維岳降神。生甫及申。

世遺命以命為故騎常侍中書令護軍將軍送往事居
忠貞允亮秉國之均四方是維百官象物而動軍政不
戒而備公之登太階而尹天下君子以為美談亦猶孟
軻致欣於樂正羊職悅賞於士伯者也所生母憂謝
職毀疾之重因心則至朝議以有為為之曾侯垂式存
公忘私方進明準爰降詔書敦還攝任固請移歲表奏
相望事不我與屈已弘化屬值三季在辰威藩內侮桂
陽失圖窺窬神器鼓棹則滄波振蕩建旗則日月蔽虧
出江派而風翔入京師而雷動鳴控絃於宗稷流鋒鏃
於象魏夫子闕也雖英宰臨戎元渠時珍而餘黨寔繁官廟憂

逼公乃總熊羆之士率不貳心之臣戮力盡規克寧禍
亂康國祚於綴旒拯王維於已墜誠由太祖之威風仰
亦仁公之翼佐可謂德刑詳禮義信戰之器也以靜難
之功進爵為侯兼授尚書令中軍將軍給班劍二十人
功成弗有固秉撝挹改授侍中中書監護軍如故又以
居母艱去官雖事緣義感而情均天屬顏丁之咎禮二
連之善喪亦曷以踰天厭宋德水運告謝嗣主荒怠於
天位疆臣憑陵於荆楚廢昏繼統之功戡亂寧民之德
公實仰贊宏規參聞神籌雖無受賑出車之庸亦有其
寢秉羽之績乃作司空山川攸序兼授將軍戎政輯睦

既而齊德龍興順皇高禩深達先夫之運臣贊奉時之
業稱諧允正徽猷弘遠樹之風聲著之話言亦猶稷契
之臣虞夏荀裴之奉魏晉自非坦懷至公永監崇替孰
能光輔五君黃亮二代者哉大啓南康爰登中鉉時膺
士宇固辨邦教今之尚書令古之冢宰雖秩輕於冢司
而任隆於百辟黜遂冲旨改授朝端邇無異言遠無異
望帝嘉茂庸重申前冊執五禮以正民簡入刑而罕用
故能興績康衢延慈哲后義在資敬情同布衣出陪鑾
躡入奉帷殿仰南風之高詠餐東野之秘寶雅議於聽
政之晨披文於宴私之夕參以酒德間以琴心暇日餘

暉遙然留想君垂冬日之溫臣盡秋霜之戒肅肅焉穆
穆焉於是見君親之同致知在三之如一太祖升遐綢
繆遺寄以待中司徒錄尚書事稟玉几之顧奉綴衣之
禮擇皇齊之令典致聲化於雍熙內平外成實昭舊職
增給班劔三十人物有其容徽章斯允位尊而禮卑居
高而思降身夏徂秋以疾陳退朝廷重違謙光之旨用
申超世之尚改授司空領驃騎大將軍侍中錄尚書如
故景命不永大漸彌留建元四年八月二十一日薨于
私第春秋四十有八昔柳莊疾棘衛君當祭而輟禮晏
嬰既往齊君趨車而行哭公之云云聖朝震悼於上羣

齊書卷之五十五

卷之五十五

風月

后恹慟於下。豈惟哀纏一國。痛深一主而已哉。追贈大
宰侍中錄尚書如故。給節羽葆鼓吹。班劍為六十人。識
曰。文簡禮也。夫秉德而處萬物。不能害其真。虛已以游
當世。不能擾其度。均貴賤於條風。忘榮辱於彼我。然後
可兼善天下。聊以卒歲。經始圖終。式免祗悔。誰云克備。
公實有焉。是以義結君子。惠霑庶類。言象所未形。述詠
所不盡。故吏某甲等。感逝川之無捨。哀清暉之眇默。餐
輿誦於丘里。瞻雅詠於京國。思衛鼎之垂文。想晉鍾之
遺則。方高山而仰止。刊玄石以表德。其辭曰。○辰精感
運。昂靈發祥。元首惟明。股肱惟良。天鑑瑋曜。踵武前王。

正晉大天魏顯死銘於景鐘

衛大夫孔悝有大功銘之於其鼎。垂文則銘之字也。

欽若元輔。體微知章。永言必孝。因心則友。仁洽兼濟。愛
深善誘。觀海齊量。登嶽均厚。五臣茲六。八元斯九。內馨
帷幄。外曜台階。遠無不肅。邇無不懷。如風之偃。如樂之
諧。光我帝典。緝彼民黎。率禮蹈謙。諒實身幹。跡屈朱軒。
志隆衡館。眇眇玄宗。萋萋辭翰。義既川流。文亦霧散。嵩
備云積。梁陰載缺。德猷靡嗣。儀形長邇。悵悵餘徽。銷洋
遺烈。久而彌新。用而不竭。

頭陀寺碑文

天竺言頭陀。即華言乞食。藪言其止。藪煩。腦也。

王巾

巾字簡。栢琅邪臨沂人。齊朝起家。鄆川從事。後為輔國錄事。參軍。

蓋聞挹朝夕之池者。無以測其淺深。仰蒼蒼之色者。不

在勝境國處寂滅道場

帝布施以廣其義也持戒以守其信也忍辱以爲謙也精進以思敬也禪定以守靜也智慧以道其理也

①竺道生維摩經注曰如者謂如與如真無後有如之理從此中來故曰如來

②一正見二思惟三正語四正業五正命六精進七正念八正定

③夫行慈者以爲緣則慈無所寄故大士之慈

維摩經疏
行慈者以爲緣則慈無所寄故大士之慈

足知其遠近况視聽之外若存若亡心行之表不生不滅者哉是以掩室摩竭用啓息言之津杜口毗邪以通得意之路然語彞倫者必求宗於九疇談陰陽者亦研幾於六位是故三才既辨識妙物之功萬象已陳悟太極之致言之不可以已其在茲乎然又繫所望窮於此域則稱謂所絕形乎彼岸矣彼岸者引之於有則高謝四流推之於無則俯弘六度名言不得其性相隨迎不見其終始不可以學地知不可以意生及其涅槃之蘊也夫幽谷無私有至斯響洪鐘虛受無來不應况法身圓對規矩冥立一音稱物官商潛運是以如來利見迦

維摩經疏下卷上作佛說生天竺如維摩經國王爲王也

維託生王室憑五行之軌拯溺逝川開八正之門大庇

交喪於是玄關幽鍵感而遂通遙源濬波酌而不竭行

不捨之檀而施洽羣有唱無緣之慈而澤周萬物演勿

照之明而鑒窮沙界導亡機之權而功濟塵劫時義遠

矣能事畢矣然後拂衣雙樹脫屣金沙惟恍惟惚不暇

不昧莫繫於去來復歸於無物因斯而談則棲遑大千

無爲之寂不拂焚燎堅林不盡之靈無歇大矣哉正法

既沒象教陵夷穿鑿異端者以違方爲得一順非辨爲

者比微言於目論於是馬鳴幽讚龍樹虛求並振頹綱

俱維絕紐蔭法雲於真際則火宅晨涼曜慧日於康衢

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

華嚴經疏下卷法雲偏覆切

佛圖澄西域人本姓烏出家
 西域咸得道以晉懷王永嘉四年來適洛陽以麻油雜肉支圖擊千里外事皆徹見掌中如對面焉後澄死之日人見其流沙
 鳩摩羅什天竺人七歲出家
 道既流西域後東川後平其安
 彌勒成佛經曰彌勒佛讚言
 大迦葉比丘是釋迦牟尼佛太子釋迦牟尼佛於天象中常示讚歎頭陀第一通達禪定解脫三昧

則重昏夜曉故能使三十七品有樽俎之師九十六種無藩籬之固既而方廣東被教肆南移周魯二莊親昭夜景之鑿漢晉兩明並勸丹青之飾然後遺文間出列刹相望澄什結轍於山西林遠肩隨平江左矣頭陀寺者沙門釋慧宗之所立也南則太川浩汗雲霞之所沃蕩北則層峯削成日月之所迴薄西眺城邑百雉紆餘東望平臯千里超忽信楚都之勝地也宗法師行潔瑋璧擁錫來游以為宅生者緣業空則緣廢存軀者感理勝則感亡遂欲捨百齡於中身殉肌膚於猛鷲班荆蔭松者久之宋大明五年始立方丈茅茨以庇經象後軍

長史江夏內史會稽孔府君諱覬為之難草開林置經行之室安西將軍郢州刺史江安伯濟陽蔡使君諱興宗復為崇基表刹立禪誦之堂焉以法師景行太迦葉故以頭陀為稱首後有僧勸法師貞節苦心求仁養志纂修堂宇未就而沒高軌難追藏舟易遠僧徒聞其無入椽椽毀而莫構可為長太息矣惟齊繼五帝洪名紐三主絕業祖武宗文之德昭升嚴配格天光表之功弘啓興復是以惟新舊物康濟多難步中雅頌驟合韶護南方之巒各炎區九譯沙場一候粵在於建武焉乃詔西中郎將郢州刺史江夏王觀政藩維樹風江漢擇方城之令典酌

龜蒙之故實政肅刑清於是乎在寧遠將軍長史江夏
內史行事彭城劉府君諱誼智力所遊日新月故道勝
之韻虛往實歸以此寺業廢於已安功墜於幾立慨深
覆簣悲同棄井因百姓之有餘間天下之無事屯徒揆
百各有司存於是民以悅來工以心競且丘被陵因高
就遠層軒延袤上出雲霓飛閣透迤下臨無地夕露為
珠網朝霞為丹雘其枝交錯相重九出也九衢之草千計四照之花萬品崖谷
共清風泉相渙金姿寶相永藉閑安息心了義終焉游
集法師釋曇珍業行淳修理懷淵遠今屈知寺任永奉
神居夫民勞事功既鑲文於鍾鼎言時稱代亦樹碑於

瑞應經曰有
尼連河水流甚
疾佛以自然神
通斷水而起高
出八頭合底揚
塵佛在其中

宗廟世彌積而功宣身逾遠而名劬敢寓言於彫篆庶
髮鬚乎衆妙其辭曰○質判玄黃氣分清濁涉器千名
含靈萬族淳源上派澆風下贖愛流成海情塵為岳皇
矣能仁撫期命世乃瞻中土聿來迦衛奄有大千蓬荒
三界殷鑒四門幽求六歲亦既成德妙盡無為帝獻方
石天開淥池祥河輟永寶樹低枝通莊九折安步三危
川靜波澄龍翔雲起耆山廣運給園多士金粟來儀文
殊矣止應乾動寂順民終始法本不然今則無滅象正
雖闡希夷未缺於昭有齊式揚洪烈釋網更維玄津重
樞惟此名區禪慧攸託倚據崇巖臨睨通壑溝池湘漢

淨名居士是性
三言給孤獨園
三言耆闍崛山

四卷

推阜衡霍，無無亭泉。幽幽林薄，媚茲邦后。法流是梃，氣
茂三明，情超六入。眷言靈宇，載懷興葺。丹刻翬飛，輪奐
離立。象設既闢，辟容已安。桂深冬燠，松疎夏寒。神足游
息，靈心往還。勝幡西振，貞石南刊。

齊故安陸昭王碑文

安陸郡名 昭謚也

沈約

公諱緬，字景業，南陵人也。稷契身佐，唐虞有大功於天
地。商武姬文，所以膺圖受錄。蕭曹扶翼，漢祖滅秦。項以
寧亂，魏氏時乘於前。皇齊握符於後，靈源與積石爭流。
神基與極天比峻，祖宣皇帝雄材盛烈，名蓋當時。考景
皇帝含道，居負卷懷。前代公舍辰象之秀德，體河岳之

上靈氣，蘊風雲，身負日月，立行可模。置言成範，英華外
發。清明內昭，天經地義之德，因心必盡。簡久遠大之方，
率由斯至，挹其源者游泳，而莫測懷其道者日用，而不
知。昭昭若三辰之麗于天，滔滔猶四瀆之紀于地。六幽
允洽，一德無爽。萬物仰之而彌高，千里不言而斯應。若
夫彈冠出仕之日，登庸蒞事之年。軍麾命服之序，監督
方部之數。斯固國史之所詳，今可得畧也。水德方衰，天
命未改。太祖龍躍俟時，作鎮淮泗。如仁夕惕之志，中夜
九迴。龕世拯亂之情，獨用懷抱。深圖密慮，衆莫能窺。公
陪奉朝夕，從容左右。蓋同王子洛濱之歲，實惟辟疆內

陪奉朝夕從容左右蓋同王子洛濱之歲實惟辟疆內

侍之年起予聖懷發言中百始以文學游梁俄而入掌

綸誥蘭桂有芬清暉自遠帝出千震白衣青光方執茅

社俾侯安陸受瑞析珪遂荒雲野式掌儲命帝難其人

公以宗室羽儀允膺嘉選協隆三善仰敷四德博望之

苑載暉龍樓之門以峻獻替惟辰實掌喉唇奉待漏之

書銜如絲之旨前曜後光非止恒授公以密戚上賢俄

而奉職出納惟允劔璽增華伊昔帝唐九官咸事熊豹

臨殿納信是司自此迄今其任無爽爰自近侍式贊權

衡而皇情眷眷慮深求瘼姑蘇輿壤任切關河都會殷

負提封百萬全趙之袂服叢臺方此為劣臨淄之揮汗

成雨曾何足稱乃鴻鶩舊吳作守東楚弘義讓以勗君

子振平惠以字小人撫同上德綏用中典疑獄得情而

弗喜宿訟兩讓而同歸雖春申之大啓封疆鄧攸之緝

熙氓庶不能尚也夏首藩要任重推轂袷帶中流地殷

江漢南接衡巫風雲之路千里西通鄴鄧水陸之塗三

七是惟形勝闔外莫先建麾作牧明德攸在乃暴以秋

陽威以夏日澤無不漸螻蟻之穴靡遺明無不察容光

之微必照由近而被遠自已而及物慧與八風俱翔德

與五材並運遠無不懷邇無不肅邑居不聞夜吠之犬

牧人不覩晨飲之羊譽表六條功最萬里還居近侍兼

饗戎秩侯府寄隆儲端任顯東西兩晉茲選特難羊琇

願言而匪獲謝琰功高而後至升降二宮令績斯俟禁

旅尊嚴主器彌固禹穴神臯地埒分陝江左以來常遞

斯任東渚鉅海南望秦稽淵數胥萃藿蒲攸在貨殖之

民千金比屋郭壩之內雲屋萬家刑政繁舛舊難詳一

南山羣盜未足云多渤海亂繩方斯易理公下車敷化

風動神行誠恕既孚鈎距靡用不待赭汗之權而姦渠

必翦無假里端之籍而惡子咸誅被以哀矜乎以信順

南陽葦杖未足比其仁潁川時雨無以豐其澤公攬轡

升車牧州典郡感達民祇非待期月老安少懷塗歌里

後漢劉寬
南陽太守
有遺但用蒲鞭
民之示恩而已
郭後為潁川
郡守德和時雨
下入利之

詠莫不歡若親戚芬若椒蘭麾旆每反行悲道泣攀車

臥轍之戀爭塗忘遠去思一借之情愈久彌結方城漢

池南顧莫重北指嶺潼平塗不過七百西接曉武關路

曾不盈于蠻陬夷徼重山萬里小則俘民略畜大則攻

城剽邑晉宋迄今有以民患烽鼓相望歲時不息椎埋

穿掘之黨阡陌成羣愾法侮吏之人曾莫禁禦累藩咸

受其弊歷政所不能裁加以戎羯窺窬伺我邊陲其風

未起馬首便以南向塞草未衰嚴城於焉早閉永明个

載疆場大駭天子乃心北眷聽朝不怡揚旆漢南非公

莫可於是驅馬原隰卷用遄征威令首塗仁風載路軌

②漢書曰甲物
謂韓文國曰
長壽共一香
何為首鼠兩端
音義曰首鼠
前一却也
③東觀漢記曰
仲達拜漢陽大
守郡民任棠者
有奇節交州知
侯之棠不與言
但以離一本水
下杯置下解前
自抱孫兒伏於
堂下參思其微
意良久曰棠是
欲曉太守也水
者欲言清也板
本本靡欲擊
孫宗也抱兒當
戶欲言開門也
孤也於望驚息

濁清晏車徒不擾牛酒日至壺漿塞陌失義犬羊其來
久矣微賦嚴切唯利是求首鼠疆界災蠹彌廣公扇以
廉風乎以誠德盡任崇置水之情弘郭伋待期之信金
如粟而弗覩馬如羊而靡入雖雉必懷豚魚不爽由是
傾巢舉落望德如歸椎髻鬪首日拜門闕卉服滿塗夷
歌成韻禮義既敷威刑具舉強民猶俗反志遷情風塵
不起囹圄寂寞富商野次宿乘停苗喙蝗弗起豺虎遠
跡北狄懼威關塞謐靜偵謀不敢東窺駝馬不敢南牧
方欲振策燕趙席卷秦代陪龍駕於伊洛侍紫蓋於咸
陽而蓬疾彌留歛焉大漸耕夫釋耒桑婦下機參請門

而還交在戰果
能抑家助勢
惠政得民
③續漢書曰郭
伋拜兖州牧行
部西河到美稷
數百小兒各騎
竹馬逢使問
曰兒輩何自遠
來對曰聞使君
到喜故來迎使
謝曰幸甚諸童
諸小兒復送郭
郭門外問使君
何日當還使謂
別駕曰日告之
行部還入美稷
先期一日使念
負諸兒即止野
亭亭期使徒及
真自得之心

衢並走羣望維永明九年夏五月三十日辛酉薨春秋
三十有七城府颯然庶僚如霄男女老幼大臨街衢接
響傳聲不踰時而達於四境夷羣戎落幽遠必至望城
拊膺震動郭邑並求入奉靈輓藩司抑而弗許雖鄧訓
致勞面之哀羊公深罷市之慕對而為言遠有慚德神
駕東還號送踰境奉觴莫以望靈仰蒼天而自訴震響
成雷盈塗咽水公臨危審正載貽話言楚囊之請雖幾
而彌固衛魚之心身已而意結一宮軫慟遐邇同哀追
贈侍中領衛將軍給鼓吹一部謚曰昭侯時皇上納麓
在辰登庸伊始允副朝端兼掌屯衛聞凶哀震感絕移

評此方則公之德也

四十六

時因邁沈痾，祿留氣序。世祖日夜憂懷，備盡寬譬，勉膳禁哭。中使相望，上雖外順，皇旨內殷，私痛獨居，不御酒肉。坐臥泣涕，霑衣若此。移年癯瘠，改貌天倫之愛。振古莫儔，及俯膺天眷，入纂絕業，分命懿親，台牧並建，對繁弱以流涕，望曲阜而含悲。改贈司徒，因謚為郡王，禮也。惟公少而英明，長而弘潤，風標秀舉，清暉映世，學備書部，特善玄言，輦悅之麗，篆籀之則，窮六義於懷抱，究八體於毫端，奕思之微，秋儲無以競巧，取睽之妙，流睇未足稱奇。至公以奉上，鳴謙以接下，撫儉庶，盡盛德之容，交士林，忘公侯之貴，虛懷博納，幽關洞開，宴語談笑，情

瀾不竭，譽滿天下，德冠生民。蓋百代之儀表，千年之領袖，曾不憖留，梁摧奄及，豈唯僑終，蹇謝興謠，輟相而已哉。凡我僚舊，均哀共戚，怨天德之無厚，痛棠陰之不留，思所以克播遺塵，敝之穹壤，乃刊石圖徽，寄情銘頌，其辭曰：○天命玄鳥，降而生商，是開金運，祚始玉筐，三仁去國，五曜入房，亦白其馬，侯服周王，本枝派別，因萊命氏，涉徐而東，義均梁徙，自茲以降，懷青拖紫，崇基巖巖，長瀾瀾爾，惟聖造物，龍飛天步，載鼎載革，有除有布，高皇赫矣，仰膺乾顧，景皇蒸哉，實啓洪祚，喬嶽峻峙，命世興賢，應期誕德，絕後光前，幾以成務，覺在民先，位非太

齊景公遊於
濰水而死公驚
馳而馳自以爲
遲下車而趨知
不如此車之駛則
又乘之出至國
四下而趨至則
伏尸而哭曰百
姓誰復信我惡
耶

寶爵乃上天。斐始濯纓清猷濟發。升降文陛。逶迤魏闕。
惠露霑吳。仁風扇越。涉夏踰漢。政成期月。用簡必從。日
新爲盛。在上哀矜。臨下莊敬。草木不天。昆蟲得性。我有
芳蘭。民胥攸誅。羣夷蠢蠢。巖別嶂分。傾山盡落。其從如
雲。挈妻荷子。負戴成羣。迴首請吏。曾何足云。昔聞天道
仁。罔不遂。彼蒼如何。興山止簣。四牡方馳。六龍頓轡。斯
民曷仰。邦國殄瘁。齊隕晏平。行哭致禮。趙但昌國。列邦
揮涕。况我君斯。皇之介弟。哀感徒庶。慟與雪陛。階毀留
攢川。汎歸軸。競羞野奠。爭攀去轂。遵渚號追。臨波望哭。
無絕終古。惟蘭與菊。塗由帝渚。朱軒靡駕。東首塋園。卽

官長夜。逝川無待黃金。難化。鐘石徒刊芳猷。示謝。

墓誌類 劉先生夫人墓誌 齊太祖爲劉勰取王法施
女勰卒下詔爲勰立碑號
曰貞簡先生此王氏墓誌也
曰向註勰與妻
道義相得而終身齊志又言
王氏被出二說
相左且文皆以韻而無家世
生死年月
合是去其誌而但選其飾今
言誌疑誤 任昉

既稱萊婦亦曰鴻妻復有令德一與之齊實佐君子簪

蒿杖藜欣欣負載在冀之唯居室有行亟聞義讓稟訓

丹陽弘風丞相籍甚二門風流遠尚肇允才淑聞德斯

諒蕪沒鄭鄉寂寞楊家參差孔樹毫末成拱暫啓荒塚

長局幽隴夫貴妻尊匪爵而重

行狀類 齊竟陵文宣王行狀

任昉

評死傍訓大全卷之十五

四十八

風月

祖太祖高皇帝

父世祖武皇帝

南徐州南蘭陵郡縣都鄉中都里蕭公年三十五行狀

公道亞生知照隣幾庶孝始人倫忠為令德公實體之

非毀譽所至天才博瞻學綜該明至若曲臺之禮九師

之易樂分龍趙詩析齊韓陳農所未究河間所未輯有

於此罔不兼綜者歟昔沛獻訪對於雲臺東平齊聲

於楊史淮南取貴於食時陳思見稱於七步方斯茂如

也初沈攸之跋扈上流稱亂陝服宋鎮西晉熙主南中

郎邵陵王並鎮益口世祖毗贊兩藩而任總西伐公時

從在軍鎮西府版寧朔將軍主南中郎版補行參軍

文主傳曰太祖雅聞阮瑀名碑

之不應進見道促乃逃入山中

太祖使人焚山得瑀

劉寵孫會登太守帝徵為

作太丘山陰有五小老叟出曰

若邪山人爾百錢送龍皆歸德義志多而不

反

漢書曰任延

拜會稽郡尉年十九吳有龍止

長者隱居志不降

署法曹于時景燭雲火風馳羽檄謀出股肱任切書記

遷左軍邵陵王主簿記室參軍既允焚林之求實兼儀

形之寄刀筆不足宣功風體所以弘益除邵陵王友又

為安南邵陵王長史東夏形勝關河重複選衆而舉致

說斯在除使持節都督會稽東陽臨海永嘉新安五郡

諸軍事輔國將軍會稽太守太祖受命廣樹藩屏公以

高昭武穆惟威惟賢封聞喜縣開國公食邑千戶又以

奏讓連最進號冠軍將軍越人之巫覩正風而化俗箕

竹之首感義讓而失儉邪叟忘其西具龍丘挾其東臯

會武穆皇后崩公星言奔波泣血千里水漿不入於口

主臣作於西京

諸文仿言才全卷之二十一
其法... 十八... 拜... 蘇... 正... 太... 太... 太...

者至自禹穴。逮衣裳外除。心哀內疚。禮屈於厭降。事迫於權奪。而茹感肌膚。沉痛創距。故知鐘鼓非樂。云之本。練禽非隆。殺之要。改授征虜將軍。丹陽尹。良家入徙。戚里內屬。政非一軌。俗備五方。公內樹寬明。外施簡惠。神臯載穆。敷下以清。武帝嗣位。進封竟陵郡王。食邑如千戶。復授使持節都督南徐兗二州諸軍事。鎮北將軍。南徐州刺史。遷使持節侍中都督南兗徐北兗青冀五州諸軍事。征北將軍。南兗州刺史。兗徐接壤。素漸河潤。未及下車。仁聲先洽。玉關靖柝。北門寢扃。朝旨以董司岳牧。敷與邦教。方任雖重。比此為輕。徵護軍將軍兼司徒。

左氏傳申叔
時謂其王曰奉
牛以騮人之田
而奪之牛以騮
者信有罪失而
奪之猶罰以重
矣

侍中又如故授車騎將軍兼司徒侍中如故即授司徒
侍中又如故上穆三能下敷五典闢玄闈以闡化寢鳴
鐘以體國翼亮孝治緝熙中教奪金恥訟蹊田自嘿不
彫其朴用晦其明聲化之有倫繁公是賴庠序肇興儀
刑國胄師氏之選允歸人範以本官領國子祭酒固辭
不拜八座初格以公補尚書令式是敷奏百揆時序夫
國家之道互為公私君親之義遞為隱犯公二極一致
愛敬同歸亮誠盡規謀猷弘遠矣又授使持節都督揚
州諸軍事揚州刺史本官悉如故舊惟淮海今則神牧
編戶殷阜埃俗滋繁不言之化若門到戶說矣頃之解

評北勞則大... 五...

尚書令改授中書監餘悉如故獻納樞機絲綸允緝武
皇晏駕寄深負圖公仰惟國典勉遵遺託俯擬天倫踊
絕于地居處之節復如居武穆之憂聖主嗣興地居且
翼有詔策授太傅領司徒餘悉如故坐而論道動以觀
德地尊禮絕親賢莫二又詔加公入朝不趨贊拜不名
劔履上殿蕭傅之賢曹馬之親兼之者公也復以申威
重道增崇德統進督南徐州諸軍事餘悉如故並表疏
累上身沒讓存天不憖遺梁岳顏峻某年某月日薨春
秋三十有五詔給温明秘器歛以衮章備九命之禮遣
大鴻臚監護喪事朝夕奠祭太官供給禮也故以慟極

津門感充長樂豈徒春人不相傾壘罷肆而已哉乃下
詔曰褒崇庸德前王之令典追遠尊戒公情之所隆故
使持節都督揚州諸軍事中書監太傅領司徒揚州刺
史竟陵王新除進督南徐州體睿履正神鑒淵邈道冠
民宗具瞻惟允肇自弱齡孝友光備爰及贊契協升景
業燮和台曜五教克宣敷奏朝端百揆惟穆寄重先顧
任均負圖諒以齊微二南同規往哲方憑保祐永翼雍熙
天不憖遺奄見薨落哀慕抽割震動干厥心今先遠戒
期龜謀襲吉茂崇嘉制式弘風猷可追崇假黃鉞侍中
都督中外諸軍事太宰領大將軍揚州牧綠綬綬具九

許文侯詩大全卷之三

錫服命之禮使持節中書監王如故給九旒鑿輅黃屋
 左纛輜輶車前後部羽葆鼓吹挽歌二部虎賁班劍百
 人葬禮一依晉安平獻王孚故事公道識虛遠表裏融
 通淵然萬頃直上千仞僕妾不覩其喜愠近侍莫見其
 傾弛他人之善若已有之民之不臧公實賂恥誘接恂
 恂降以顏色方於事上好下規已而廉於殖財施久不
 倦帝子儲季令行禁止國網天憲實諸掌握未嘗鞠人
 於輕刑銅人於重議人有不及內恕諸已非意相干每
 為理屈任天下之重體生民之後華袞與緼縵同歸山
 藻與蓬茨俱逸良由廣宅符仲長之言印山洛水協應

嬰之志在園東國鎡銖軒冕乃依林構宇傍巖拓築清
節後鳴清
 後與童人爭日緹幙與素瀨交輝置之虛室人野何辨
堂列漏者
 高人何點躡屩於鍾阿徵士劉蚪獻書於衡岳贈以古
何點常躡屩臨時無柴車
 人之服弘以度外之禮屈以好士之風申其趨王之意
 乃知太春屈已於五主君大降節於憲后致之有由也
 其舟木之奇泉石之美公所製山居四時序言之已詳
 文皇帝養德東朝同符作者爰造九言實該百行遵於
 檣於未明申炯戒於茲日非直且暮千載故乃萬世一
 時也命公註解衛將軍王儉綴而序之山宇初構超然
 獨往顧而言曰死者可歸誰與入室尚想前良俾若神

②无傳曰孟孫
平賦係入哭甚
良曰孟孫惡
我藥石也言中
言益於人如藥
石之除疾
③所謂淨住身
口意身教意如
戒而生受曰淨
住

對乃命畫土圖之軒牖既而緬屬賢英傍思才淑匹婦
之操亦有取焉有客游梁朝者從容而進曰未見好德
愚竊惑焉即命刊削投杖不暇公以為出言自口驥驟
不追聽受一謬差以千里所造箴銘積成卷軸門階戶
席寓物垂訓先是震于外寢匠者以為不祥將加治葺
公曰此天譴也無所改脩以記吾過且令戒懼不怠從
諫如順流虛已若不足至於言窮藥石若味滋旨信必
由中貌無外悅貴而好禮怡寄典墳雖率以物役孜孜
無怠乃撰四部要略淨住子並勒成一家懸諸日月弘
洙泗之風闡迦維之化佛國名太漸彌留詩言盈耳黜殞之請

至誠懇惻豈古人所謂立言於世沒而不朽者歟易名
之典請遵前列謹狀

弔祭類 弔屈原文

光序

賈誼

誼為長沙王太子傅既以誦去意不自得及渡湘
水為賦以弔屈原屈原楚賢臣也被讒放逐作離騷
賦其終篇曰已矣哉國無入兮莫我知也遂自投汨
羅而死誼追傷之因以自喻
恭承嘉惠兮俟罪長沙側聞屈原兮日沉汨羅造託湘
流兮敬弔先生遭世罔極兮乃隕厥身嗚呼哀哉逢時
不祥鸞鳳伏竄兮鳴梟翔翔聞其尊顯兮讒諛得志賢
聖逆戔兮方正倒植世謂隨夷為溷兮謂跖蹻為廉莫
邪為鈍兮鈇力為銛吁嗟默默生之無故兮幹棄周鼎

寶康瓠兮騰駕罷牛。駢蹇驥兮驥垂兩耳。服鹽車兮草
甫薦履。漸不可久兮。嗟苦先生。獨離此咎兮。訖曰已矣。
國其莫我知兮。獨壹鬱其誰語。鳳漂漂其高逝兮。固自
引而遠去。襲九淵之神龍兮。湯深潛以自珍。倘蝦蟆以
隱處兮。夫豈從蝦與蛭蠃所貴。聖人之神德兮。遠濁世
而自藏。使騏驎可得係而羈兮。豈云異夫犬羊。般紛紛
其離此尤兮。亦夫子之故也。歷九州而相其君兮。何必
懷此都也。鳳皇翔於千仞兮。覽德輝而下之。見細德之
險微兮。遙增擊而去之。彼尋常之汗漬兮。豈能容夫吞
舟之巨魚。橫江湖之鱣鯨兮。固將制於螻蟻。

魏武帝文 陸機

①左氏傳秋七月壬午朔日有蝕之公問於梓真曰是何物也禍福何為梓真曰二至二分日月蝕之不時日有月之行也

元康八年機始以臺郎出補著作游平秘閣而見魏武
帝遺令愴然歎息傷懷者久之客曰夫始終者萬物之
大歸死生者性命之區域是以臨喪殯而後悲觀陳根
而絕哭今乃傷心百年之際與哀無情之地意者無乃
知哀之可有而未識情之可無乎機答之曰夫日蝕由
乎交分山崩起於朽壤亦云數而已矣然百姓怪焉者
豈不以資高明之質而不免卑濁之累居常安之勢而
終嬰傾離之患故乎夫以迴天倒日之力而不能振形
骸之內濟世夷難之智而受困魏闕之下已而格乎上

武帝有女
後為高城公主
豹時年五歲後
封沛王武帝臨
死時以此孩幼
以示四子云此
以象重故也
下海

武帝有女
後為高城公主
豹時年五歲後
封沛王武帝臨
死時以此孩幼
以示四子云此
以象重故也
下海

下者藏於區區之木光于四表者翳乎最爾之土雄心
摧於弱情壯圖終於哀志長筭屈於短日遠跡頓於促
路嗚呼豈特瞽史之異闕景黔黎之怪頽岸乎觀其所
以顧命冢嗣貽謀四子經國之略既遠隆家之訓亦弘
又云吾在軍中持法是也至於小忿怒大過失不當效
也善乎達人之讜言矣持姬女而指季豹以示四子曰
以累汝因泣下傷哉曩以天下自任今以愛子託人同
乎盡者無餘而得乎亡者無存然而婉孌房閨之內綢
繆家人之務則幾乎密與又曰吾嬖奸妓人皆著銅雀
臺於臺堂上施八尺牀張總帳朝脯上脯糒之屬月朝

十五日輒向帳作伎汝等時時登銅雀臺望吾西陵墓由
又云餘香可分與諸夫人諸舍中無所為學作履組賣
也吾歷官所得綬皆著藏中吾餘衣裘可別為一藏不
能者兄弟可共分之既而竟分焉亡者可以勿求存者
可以勿違求與違不其兩傷乎悲夫愛有大而必失惡
有甚而必得智惠不能去其惡威力不能全其愛故前
識所不用心而聖人罕言焉若乃繫情累於外物留曲
念於閨房亦賢俊之所宜廢乎於是遂憤懣而獻乎云
爾接皇漢之末緒值王塗之多違佇重淵以育鱗撫
慶雲而遐飛運神道以載德乘靈風而扇威摧羣雄而

善本無助字
五臣本作設
多レラ

善本無助字
五臣本作設
多レラ

電擊舉勅敵其如遺指八極以遠略必翦焉而後綏釐
二才之闕典啓天地之禁闡舉修綱之絕紀紐大音之
解微掃雲物以貞觀要萬塗而來歸丕大德以宏覆授
日月而齊暉濟元功於九有固舉世之所推彼人事之
大造夫何往而不臻將覆篲於浚谷擠爲山乎九天苟
理窮而性盡豈長筭之所研悟臨川之有悲固梁木其
必顛當建安之三入實大命之所艱雖光昭於曩載將
稅駕於此年惟降神之縣邈眇千載而遠期信斯武之
未喪膺靈符而在茲雖龍飛於文昌非王心之所怡憤
西夏以鞠旅沂秦川而舉旗踰鎬京而不豫臨渭濱而

有疑與翼日之云瘳彌四旬而成災詠歸塗以反旆登
嶠澗而竭來次洛汭而大漸指六軍曰念哉伊君王之
赫奕寔終古之所難威先天而蓋世力盪海而拔山厄
奚險而弗濟敵何彊而不殘每因禍以提福亦踐危而
必安迄在茲而蒙昧慮噤閉而無端委軀命以待難痛
沒世而永言撫四子以深念循膚體而積歎迨營鬼之
未離假餘息乎音翰執姬女以嘔瘁指季豹而灌焉氣
衝襟以嗚咽涕垂睫而流瀾違率土以靖寐戢彌夫乎
一棺谷宏度之峻邈壯太業之名昌思居終而恤始命
臨沒而肇揚援貞吝以甚悔雖在我而不臧惜內顧之

纏絲恨末命之微詳紆廣念於履組塵清慮於餘香結
遺情之婉孌何命促而意長陳法服於帷座陪窈窕於
玉房宣備物於虛器發哀音於舊倡矯感容以赴節掩
零淚而薦觴物無微而不存體無惠而不亡庶聖靈之
響像想幽神之復光苟形聲之翳沒雖音景其必藏微
清絃而獨奏進脯糝而誰嘗悼總帳之冥漠怨西陵之
茫茫登雀臺而羣悲貯美目其何望既睇古以遺累信
簡禮而薄葬彼裴紱於何有貽塵謗於後王嗟大憲之
所存故雖哲而不忘覽遺籍以慷慨獻茲文而悽傷

祭文類

祭古冢文

井序宋元嘉七年惠連為司徒彭城王義康法曹參軍義康修東府

城城前中得古冢為之改葬祭之使惠連為文

謝惠連

東府掘城北墻入丈餘得古冢上無封域不用埴甃以
木為槨中有棺正方兩頭無和棺頭曰和明器之屬材瓦銅漆
有數十種多異形不可盡識刻木為人長三尺可有二
十餘頭初開見悉是人形以物振撥之應手灰滅棺上
有五銖錢百餘枚水中有甘蔗節及梅李核瓜瓣皆浮
出不甚爛壞銘誌不存世代不可得而知也公命城者
改埋於東岡祭之以豚酒既不知其名字遠近故假為
之號曰冥漠君云爾○元嘉七年九月十四日司徒御
屬領直兵令史統作城錄事臨漳令亭侯朱林具豚醪

之祭敬薦冥漠君之靈忝總徒旅版築是司窮泉為漸
聚壤成基一柳既啓雙棺在茲捨畜悽愴縱鋪漣流芻
靈已毀塗車既摧几筵糜腐俎豆傾低盤或梅李盞或
醢醢蔗傳餘節瓜表遺塵追惟夫子生自何代曜質幾
年潛靈幾載為壽為夭寧顯寧晦銘誌堙滅姓字不傳
今誰子後曩誰子先功名美惡如何蔑然百堵皆作十
仞斯齊壙不可轉壙不可迴黃腸既毀便房已頽循題
輿念撫偏增哀射聲垂仁廣漢流渥神骸府阿掩骼城
曲仰羨古風為君改卜輪移北隍窳窳東麓壙即新營
棺仍舊木合葬非古周公所存敬遵昔義還耐雙窆酒

以兩壺牲以特麻幽靈髣髴歆我犧樽嗚呼哀哉

祭屈原文

宋少帝即位出延年為始平太守之郡道經汨潭為湘州刺史張邵作祭

屈原文以寄其意

顏延之

維有宋五年月日湘州刺史吳郡張邵恭承帝命建旗
舊楚訪懷沙之淵得捐珮之浦弭節羅潭臧舟汨渚乃
遣戶曹掾某敬祭故楚三閭大夫屈君之靈蘭薰而
摧玉貞則折物忌堅芳人諱明潔曰若先生逢辰之缺
溫風息時飛霜急節羸辛邁紛昭懷不端謀折儀尚貞
葭椒蘭身絕郢闕跡徧湘干比物荃蓀連類龍鸞聲溢
金石志華日月如彼樹芳實穎實發望泊心欷瞻羅思

○楚辭曰謫沙礫而自沈兮不忍見之蔽壅又曰捐余袂兮江中遺余珮兮塵

楚都也

秦州一楚姓

水名

越。藉用可塵。昭忠難闕。

祭顏光祿文

顏光祿
延之也

王僧達

維宋孝建三年九月癸丑朔十九日辛未王君以山羞
野酌敬祭顏君之靈嗚呼哀哉夫德以道樹禮以仁清
惟君之懿早歲飛聲義窮幾豕文蔽班揚性倬剛絜志
度淵英登朝光國實宋之華才通漢魏譽決龜沙服
帝典棲志雲阿清交素友比景共波氣高叔夜嚴方仲
劉逸翮獨翔孤風絕侶流連酒德嘯歌琴緒游顧移年
契闊哀處春風首時爰談爰賦秋露未凝歸神太素明
發晨駕瞻廬望路心悽目落情條雲互涼陰掩軒娥月

寢耀微燈動光几牘誰炤衾裯長塵絲竹罷調擘悲蘭
宇屑涕松嶠古來共盡牛山有淚非獨昊天殲我明懿
以此忍哀敬陳奠饋酌長懷顧望歔歔嗚呼哀哉

永二月吉日

天新十三歲

評苑文選傍訓大全卷之十五大尾

評苑文選傍訓大全卷之十五大尾

元祿十三歲

辰二月吉日

華洛二條通衣棚角

風月勝左衛門

Faint bleed-through text from the reverse side of the page, including characters like '元祿' and '辰'.

